

摘藻堂四庫全書薈要

子部

欽定四庫全書薈要

子部

御定淵鑑類函卷一百八十

欽定四庫全書薈要卷一萬一千六百二十八

子部

御定淵鑑類函卷一百八十

禮儀部二十七

喪服

衰

冠

笄

幘髻

經

履杖

雜服

除服

起復

恩服

追行喪服

服過制

謚

喪服一



增禮記三年問曰三年之喪何也曰稱情而立文因以飾羣別親疎貴賤之節而弗可損益也故曰無易之道也創鉅者其日久痛甚者其愈遲三年者稱情而立文

所以為至痛極也

又曰然則何以至期也曰至親以

期斷是何也曰天地則已易矣四時則已變矣其在天

地之中者莫不更始焉以是象之也然則何以三年也

曰加隆焉爾也焉使倍之故再期也由九月以下何也

曰焉使弗及也故三年以為隆總小功以為殺期九月

以為間上取象於天下取法於地中取則於人人之所

以羣居和壹之理盡矣孝經援神契曰喪不過三年

以期增倍五五二十五月以義斷仁示民有中緣喪絕



情 宋書禮志曰鄭玄喪制二十七月而終學者多云

得禮晉初用王肅議祥禫共二十五月遂以為制江左  
以來唯晉朝施用措紳之士猶多遵鄭議 後周武帝

詔曰齊斬之情經籍所訓近代沿革遂亡斯禮伏奉遺  
令既葬便除攀慕几筵情實未忍三年之喪達於天子  
古今無易之道王者之所常行但時有未諧不得全制  
軍國務重庶日聽朝衰麻之節苦廬之禮率遵前典以  
申罔極 荀氏家傳曰荀爽對策曰漢制天下皆誦孝

經選吏則舉孝廉以孝務也蓋夫喪親自盡孝之終也  
今二千石不得行三年喪非所以崇孝道而稱火德也  
頃者漢嗣數乏枝葉不繁其咎未必不由此往者文帝  
勞謙自納行過乎儉故有遺詔以日易月此所謂夷惠  
激俗當身而已非貫萬世為後嗣法者也 家禮曰服  
有四制一曰正服如為父母為祖父母為伯叔為兄弟  
之類二曰加服謂本輕而加之為重如嫡孫為祖不杖  
期承重則斬衰三年之類三曰降服謂本重而降之為

輕如為妻杖期姑在則不杖之類四曰義服謂本無服

而以義起之者如舅姑為婦及為人後者為所後之類

凡殤服以次降一等

凡年十九至十六為長殤十五至十二為中殤十一至八歲為下殤

應服期者長殤降服大功九月中殤七月下殤小功五

月應服大功以下以次降等不滿八歲為無服之殤哭

之以日易月生未三月則不哭也

男子已娶女子許嫁皆不為殤

凡男為人後女適人

者為其私親皆降一等私親之為之也亦然

女適人者降服未滿

被出則服其本服已除則不復服也

凡婦服夫

黨當喪而出則除之

凡妾為其私親則如衆人

## 喪服二

原五服

周禮小宗伯職云辨吉凶之五服車旗宮室之禁鄭注云五服王及公卿大夫士之服也

四制

喪服四制云喪有四制變而從宜取之四時也有恩有理有節有權取之人情也

飾痛

三年問云斬衰苴杖居倚廬食粥寢苦枕塊所以為至痛飾也

觀哀

祭統云喪則觀其哀也

加隆

白虎通云三年之喪何二十五月以為古民質痛於死者不封不樹喪期無數亡之則除後代聖人

因天地萬物有終始而為之制以碁斷之父至尊母至親故加隆以盡孝子之恩恩愛至深加之則倍故再期二十五月也

引進

檀弓云喪兄弟之子猶子也蓋推而遠之也

斬衰

三升

齊衰

四升五升六升注三等謂降正義也

大功

七升八升九升注降

服大功七升正服大功八升義服大功九升也

小功

十升十一升十二升注八十縷為升也

總麻

十三升十四升十五升此哀之發於衣服也

衰經

君子衰經則有衰色

名服

世母叔母姑在室期以名服也又云士為庶母三月以名服也注大夫以上為庶母無服又乳母三月以名服也

從服

婦為舅姑從服妻之父母三月從服也注從妻服之

改葬總

謂墳以他故崩

壞將亡失尸柩故也

當室總

童子不總唯當室總注當室謂父母後

同爨總

從

之夫舅之妻二夫人相為服君子未之言也或曰同爨總注以同居為恩

服術有六

禮大傳云

服術有六一曰親親二曰尊尊三曰名四曰出入五曰長幼六曰從服鄭注云術猶道也親親父母為首尊尊

君為首名世母叔母之屬也出入女子嫁者及在室者長幼成人及殤也從服若夫為妻之父母妻為夫之黨

服

從服有六

又云從服有六有屬從有徒從有從有服而無服有從無服而有服有從重而

輕有從輕而重鄭注云屬從子為母之黨也徒從臣為君之黨也從有而無公子為其妻之父母從無而有公子之妻為公子之外兄弟從重而輕夫為妻之父母從輕而重公子之妻為其皇姑

稱情立文

三年問鄭注云稱情而立文稱人之情輕重而制其禮也

人道至文

又云三年之喪人道之至

文者也夫是之謂至隆是百王之所同古今之所一也未有知其所由來者也

服以飾情

虎白

通云喪禮必制衰麻何以副意也服以飾情情貌相配中外相應故吉凶不同服歌哭不同聲所以表中誠也

經以代帶

又云腰經者以代紳帶也所以結之何思慕腸若結也必再結之用明思慕無已

上殺下殺

喪服小記云親親以三為五以五為九上殺下殺旁殺而親畢矣鄭注云已上親父

下親子三也以父親祖以子親孫五也以祖親高祖以孫親玄孫九也殺謂親益疎者服之則輕

錫

衰疑衰

司服職云王為三公六卿錫衰為諸侯總衰為大夫士疑衰其首服皆弁經鄭康成注云君為

臣服弔服也鄭司農云錫麻之滑易者十五升去其半有事其布無事其縷總亦十五升去其半有事其縷無事其布疑衰十四升衰康成謂無事其縷衰

有恩有

在內無事其布衰在外疑之言擬也擬於吉

理喪服四制云恩者仁也理者義也其恩厚者其服重故為父斬衰三年以恩制者也門內之治恩掩義門

外之治義斷恩資於事父以事君而敬同貴貴尊尊義之大者也故為君亦斬衰三年以義制者也

有

節有權

又云節者禮也權者智也三日而食三月而沐朞而練毀不減性不以死傷生也喪不過三年

苴衰不補墳墓不培祥之日鼓素琴告民有終也以節制者也資於事父以事母而愛同天無二日土無二王者見無二君家無二尊以一治之也故父在為母齊衰期者見無二尊也杖者何也爵也或曰輔病三日授子杖

五日授大夫杖七日授士杖婦人童子不杖不能病也百官備百物具不言而事行者扶而起言而後行事者杖而起身自執事而後行者面垢而已禿者不髻偃者不袒跛者不踊老病不止酒肉凡此八者以權制者也

### 三年二年

喪服小記云再墓之喪三年也墓之喪二年也

### 二時一時

又云五月

之喪二時也三月之喪一時也

### 雖貴遂服

漢晉春秋曰初文帝之崩也羊祜謂傅休光曰三年

之喪雖貴遂服自天子達漢文除之毀禮傷義常以為歎今上天縱至孝有曾閔之性雖奪其服而實行喪禮喪禮行除服何為耶若因此革魏之薄而興先王之法以敦厚風俗垂之百代不亦美乎傳曰漢文以來世乃淺薄不能行國君之喪因而除之數百年一旦復古恐難行也祜曰就不能使天下如禮且使主上遂服不猶善乎傳曰若主上不除而下除此為但有父子無君臣三綱之道虧矣

### 出母無服

喪服小記



為父後者為出母無服鄭注云不敢以已私廢父所傳重之祭祀

**同僚有服**

孔叢子曰秦莊

子死孟武伯問於孔子曰古者同僚有服乎答曰然同僚有相友之義貴賤殊等不為同官聞諸老聃昔者號叔閔天太顛散宜生南宮括五臣同僚比德以贊文武及號叔死四人者為之服朋友之服古之達理者行之也

**若子無服**

家語云門人疑所服夫子者子貢曰昔夫子之喪顏回也若喪其子而無服喪

子路亦然今請喪夫子如喪父而無服於是弟子皆弔服而加麻經出有所之則不經也

**方喪三**

**年**檀弓曰事君有犯而無隱左右就養有方服勤至死方喪三年鄭注云勤勞辱之事也方喪資於事父此

以義為制

**服勤三年**

問喪云成墳而歸不敢入處室居於倚廬哀親之在外也寢苦枕塊哀親

之在土也故哭泣無時服勤三年思慕之心孝子之志也人情之實也

**恩深義重**

白虎通云

弟子為師服者弟子有君臣父子朋友之道也故生則尊敬而親之死則哀痛之恩深義重故為之隆服入則

經出

**制重哀輕**

潘岳悼亡賦序云吾聞喪禮之在妻制重而哀輕

**天子絕**

則否

**暮**

白虎通云天子與諸侯絕暮何示同愛百姓民不獨親也

**大夫降總**

禮云暮之喪達乎諸

侯三年之喪達乎

**舊君無服**

孔叢子曰子思居衛聞穆公卒縣子使乎衛聞

天子大夫降總

喪而服謂子思曰子雖未臣魯父母之國也先君宗廟

在焉奈何不服子思曰吾豈愛乎禮不得也縣子曰請

問之答曰臣而出國君不埽其宗廟則為之服寄公寓

乎是國而為國服吾既無列於魯而祭在衛吾何服哉

是寄臣而服所寄之君則舊君無服明不

**國君齊衰**

二君之義也縣子曰善哉我未之思也

白虎通云庶人國

**妾為長子**

喪服小記妾為君之長子與女君同鄭注云不

君服齊衰三月

敢以恩輕輕服君之正統

### 妾為女君

雜記云女君死妾為女君之黨服鄭注云妾於女君之親

若其親然

### 斬衰之葛

喪服小記云斬衰之葛與齊衰之麻同鄭注云經之大俱七寸五分寸之

一帶五寸二十五分寸之十九

### 齊衰之葛

又云齊衰之葛與大功之麻同鄭注云經之大俱五

寸二十五分寸之十九帶四寸百二十五分寸之七十六

### 小功不稅

檀弓云曾子

則是遠兄弟終無服也而可乎鄭注云據禮而言也日月已過乃聞喪而服曰稅大功以上則然小功輕不服

### 斬衰不緝

釋名云絞帶絞麻總為帶也三年之衰曰斬不緝其末直剪斬而已期曰齋齋齊也

### 長子三年

父為長子三年傳曰正體在上所以傳重也母為長子三年傳曰父所不降母亦不

敢降注不敢以尊降祖禰之正也

### 殤叔小功

夫叔之長殤小功布衰裳即葛五月注不見中

殤明從下也

**繼母如母**

傳曰繼母配父與因母同故孝子不敢殊注因親也

**慈母**

**如母**

傳曰妾之無子者妾子無母父命妾曰汝以為子命子曰汝以為母若是則生養之終其身如死則

喪之三年貴父之命也

**非大夫禮**

傳曰晏桓子卒晏嬰粗衰斬苴經帶

注云大夫士之妾子也

杖菅屨食粥居倚廬寢苫枕草君子曰非大夫之禮也曰卿為大夫也注此平仲之謙也

**為子臯**

**衰**

檀弓曰成人有兄死而不為衰者聞子臯為宰遂為衰成人曰蠶則績而蠶有筐范則冠而蟬有綏兄則

死而子臯

**無服之殤**

子生三月則父名之死而不服無而哭之哭殤而以日易月者

為之衰

子生一月哭之一日凡言子者兼男女也

**大功之殤**

傳曰中殤何以不見大功之殤中從上小

功之殤中從下注曰據從昆弟之下殤在緦麻也大功小功皆謂服其成人也大功殤中從上則齊衰殤亦中

從上此主大夫為殤服不見者以此求

父卒母三年

尊得伸也

父在母暮

年

至尊在不敢伸其私尊父必三年而後娶達子之志

庶子不繼祖

庶子不為長子三年

不繼祖也注重其當

庶子不私親

庶子為父後者為其母總麻三月注

先祖正體故三年

不績者不緣

周禮庶人不績者不緣

不當寧

與尊者為一體不敢服其私親

無衰

禮曰衰與其不當物也寧無衰也齊衰不以邊坐大功不以服勤注不當物謂精粗廣狹不中制度

而惡其亂

為殤後以其服

喪服小記云為殤後者以其服服之鄭注云言為後者據承之

也殤無為人父之道以本親之服服之

妾有子為之總

又云士妾有子而為之總鄭注

云士卑妾無男女則不服不別貴賤

父在不為妻杖

嫡子父在不為妻杖注以父為喪主

出妻子為母暮

出妻子為母暮則為外祖母父母無服注為父後者為出母無服喪不祭故

也

為人後者不貳斬

傳曰為人後者為其父母暮服注云不貳斬

無主

祭者不忍降

傳曰姑姊妹女子適人無主者姊妹服注云無主祭者哀之不忍降服也

既

練而有期喪

禮曰三年之喪既練矣有期之喪既葬矣則帶其故葛帶經服暮之經服其功衰

大功或為齊衰

檀弓公叔木有同母異父之昆弟死子游曰其大功乎狄儀有同母異父

之昆弟死子夏曰魯人則為之齊衰

祖父卒為母三年

祖父卒而後為母三年注祖在

為祖母如父在為母同

為人後姑舅大功

夫為人後者其妻為舅姑大功

喪服三

增議劉愷行喪禮議曰詔書所以為制服之科者蓋崇  
化厲俗以宏孝道也今刺史一州之表二千石千里之  
師職在平章百姓宣美風俗尤宜尊重典禮以身先之  
而議者不尋其端至於牧守則云不宜是猶濁其源而  
望流清曲其形而欲影直不可得也 唐魏徵定服制  
議曰臣聞禮所以決嫌疑別同異明是非者也非從天  
降非從地出人情而已矣夫親族有九服術有六隨恩  
以薄厚稱情以立文然舅之與姨雖同氣論情度義先

後實殊何則舅為母之本族姨乃外成他族求之母族  
姨不在焉考之經文舅誠為重故周王念齊每稱甥舅  
之國秦伯懷晉實切渭陽之詩在舅服止一時為姨居  
喪五月循名喪實逐末棄本蓋古人之情或有未達所  
宜損益實在茲乎記曰兄弟之子猶子蓋引而進之也  
嫂叔不服蓋推而遠之也禮繼父同居則為之菽水嘗  
同居則不服為從母之夫舅之妻二夫人相為服或曰  
同爨總然則繼父之徒並非骨肉服重由乎同爨恩輕



在乎異居故知制服雖繼於名亦緣恩之厚薄者也或有長年之嫂遇孩童之叔劬勞鞠養情若所生譬同居之繼父方他人之同爨情義之深淺寧可同日而言哉在其生也愛之同於骨肉及其死則曰推而遠之若推而遠之為是則不可生而共居生而共居為是則不可死同行路重其生而輕其死厚其始而薄其終稱情立文其義安在且事嫂見稱載籍非一鄭仲虞則恩禮甚篤顏弘都則端肅致感馬援則其見必冠孔伋則哭之

為位此並躬踐教義仁深孝友察其所行之旨豈非先  
覺者歟但於時上無哲王禮非下之所議遂使深情鬱  
乎千載至理藏於萬古今屬欽明在辰聖人有作五禮  
詳洽一物無遺猶且永念慎終爰命秩宗更詳考正臣  
等奉遵明旨觸類旁求采撫羣經討論傳記謹按曾祖  
父母舊服齊衰三月請加為齊衰五月適子婦舊服大  
功請加為周年衆子婦舊服小功今請與兄弟子婦同  
為大功九月嫂叔舊無服今請服小功五月服其弟妻

及夫兄亦小功五月舅服總麻請與從母同服小功

顏師古嫂叔舅服議曰原夫服紀之制異統同歸或本  
恩情或申教義所以慎終追遠敦風厲俗輕重各順其  
適名實不可相違喪過乎哀易象之明訓其易寧戚聖  
道之遺旨所議兩條實為舛駁特降絲綍俾革遺謬竊  
以舊館脫驂尚云出涕鄰里有殯且輟巷歌況乎昆弟  
之妻嚴親是奉夫之昆弟資業本同遂乃均諸百姓絕  
於五服當其喪歿闔門縞素已獨晏然玄黃莫改無益

關防實開淪薄相為制服孰謂非宜在昔子思仲尼之  
胄為位哭嫂事著禮文哭既施位明其慘怛苟避凶服  
豈曰稱情又外氏之親俱緣於母母舅一列等屬齊尊  
姨既小功舅乃總麻曲生異議茲亦未安秦康孝思見  
舅如母語其崇重寧非密戚愚請昆弟之妻服當五月  
夫之昆弟咸亦如之為舅小功同於姨服則親疎中節  
名數有倫帷薄之制更嚴內外之序增睦至於舅姑為  
婦其服太輕冢婦止於大功衆婦小功而已但著代之

重事義特隆饋奠之重誠愛兼極略其恩禮有虧慈惠  
猶子之婦並服大功已子之妻飜其減降以類而言未  
為允協今請冢婦暮服衆婦大功既表授受之親又答  
執筭之養叔仲之後諸婦齊同則周洽平均更無窒礙  
矣元行中父在為母及舅姨嫂叔服議曰夫天地之  
性惟人最靈者蓋以智周萬物惟睿作聖明貴賤辨尊  
卑遠嫌疑分情理也是以古之聖人徵性識本緣情制  
服則有申有壓天父天夫故斬衰三年情理俱盡者因

心立極也生則齊體死則同穴比陰陽而配合同兩儀之化成而妻喪杖周情理俱殺者蓋遠嫌疑尊乾道也父為嫡子三年斬衰而不去職者蓋尊祖重嫡崇禮殺情也資於事父以事君孝莫大於嚴父故父在為母罷職齊周而心喪三年謂之尊壓者則情申而禮殺也斯制也義農堯舜莫之異也文武周孔所同遵也今若舍尊壓之重虧嚴父之義略純素之嫌貽非聖之責則事不師古有傷名教矣姨兼從母之名又即母之女黨加

於舅服有理存焉嫂叔不服遠嫌疑也若引同爨之總以忘推遠之跡既乖前聖亦為難從謹詳三者之疑並請依古為當 韋紹奏喪服舅總麻三月從母外祖母皆小功五月外祖至尊同於從母之服姨舅一等服則輕重有殊堂姨舅親即未疎恩絕不相為服舅母來承外族不如同爨之禮竊以古意猶有所未暢者也請加外祖父母為大功九月姨舅皆小功五月堂舅堂姨舅母並加至祖免韋述議曰聖人究天道而厚於祖禰

繫族姓而親其子孫母黨比於本族不可同貫明矣今若外祖及舅加服一等堂舅及姨列於服紀則中外之制相去幾何先王之制謂之彞倫奉以周旋猶恐失墜一紊其敘庸可止乎請依儀禮喪服為定楊仲昌議曰鄭文貞公魏徵始加舅服至小功五月雖文貞賢也而周孔聖也以賢改聖後學何從竊恐內外乖序親疎奪倫情之所沿何所不至記曰無輕議禮明其蟠於天地並彼日月賢者由之安敢損益也敕姨舅既服小功舅



母不得全降宜服總麻堂姨舅宜服袒免

# 衰

增說文衰喪衣也上曰衰下曰裳衰之為言摧也言中心摧痛也 杜預曰衰在胸前 周禮小宗伯大喪懸

衰式於路門之外肆師之職大喪禁外內男女之衰不中法者 儀禮喪服曰凡衰外削幅裳內削幅幅三拘

削殺也

若齊裳內衰外員廣出於適寸

員在背上適辟領也員也出於辟領

外傍一寸也

適博四寸出於衰衰麻長六寸博四寸

禮記

外傳曰凡言斬衰者以六寸之布廣四寸為衰帖於心

前剪而不緝也

緝者縫之名

齊之言齊也

如鍼縷其裳下之縫使齊半也

總

者如絲也錫衰者先緝錫白之謂也疑衰者疑其布是

絲也

疑衰錫衰二者君之弔服也

左傳曰魯昭公立十九年矣猶

有童心比及葬三易衰衽如故衰

言其嬉戲無度

# 冠一

增周禮小宗伯大喪懸冠式於路門之外 又夏官太

僕大喪懸首服之法於宮門

儀禮喪服曰冠繩纓條

屬冠六升外畢鍛而勿灰 又曰疏衰齊傳曰問者曰  
何冠也曰齊衰大功冠其衰也緦麻小功冠其衰也帶  
緣各視其冠 禮記檀弓曰古者冠縮縫今也衡縫故  
喪冠之反吉非古也 禮記外傳曰吉冠之布倍於衣  
也朝服十五升則冠三十升是也今喪冠升數少斬衰  
三升冠六升齊衰四升冠七升又有疏衰即三升半之  
衰也 毛詩羔裘曰素冠刺不能三年也庶見素冠兮  
棘人樂樂兮 家禮冠所謂梁也褚厚紙為梁廣三寸

長足以跨項前後用稍細布裏之就摺其布為細輦子  
三條直過梁上其輦俱向右是謂三辟積其梁之兩頭  
盡處捲屈向外以承武是謂外畢別用麻繩一條折其  
中從額上約之至項後交過前各至耳邊結住以為武  
又以武之餘纓垂下為纓結於頤下此斬衰冠制也若  
齊衰冠則用布一條重疊為之制如前而垂其末為纓

冠二

增不綖

檀弓喪冠不綖  
鄭注云去飾也

勿灰

家禮云斬衰冠鍛而勿  
灰鍛用水濯布勿用灰

也

# 條屬

儀禮喪服傳云冠繩纓條屬注屬猶著也通屈一條繩為武垂下為纓著之冠也雜記曰

喪冠條屬以別吉凶按禮疏曰吉冠則纓武異材凶

冠則纓武同材今世人為齊衰以下冠往往以紙糊為

武而用布裏之而又別用布

## 四異

按五服之喪冠其制度之異者有四

為纓蓋不知條屬之義也

升數之不同一也繩纓之與布纓深纓二

## 四同

其制

也右縫之與左縫三也勿灰之與灰四也

者亦四條屬一也外畢二也辟

積之數三也廣狹之數四也

# 笄

## 原榛以為笄

檀弓南宮縚之妻之姑之喪夫子誨之髻曰爾無從從爾爾無扈扈爾蓋榛以為笄

長尺而總八寸鄭注南宮縚孟僖子之子南宮閱也總束髮垂為飾齊衰之總八寸

## 髻笄用桑

儀禮髻笄用桑長四寸緩中鄭注桑之為言喪也用為  
笄取其名也長四寸不冠故也緩笄之中央以安髮

惡笄以終喪

喪服小記齊衰惡笄以終喪注云笄所以卷髮帶所以持身婦人質於喪所以

自卷持者有除無變

箭笄終三年

又云箭笄終喪三年注亦於喪所以自卷持者有除無變

幘髻

增儀禮喪服曰女子在室為父布總箭笄髻衰三年

總束

髮謂之總者既束其本又總其末箭笄篠也髻露紒也猶男子之括髮括髮以麻則髻亦用麻也蓋以麻自項而前交於額上卻繞紒如著慘頭焉小記曰男子冠而婦人笄男子免而婦人髻但言衰不言裳婦人不殊裳又曰女子子適人者為其父母婦為舅姑惡笄有首以

髻卒哭子折筭首筭以布總傳曰筭有首者惡筭之有

首也惡筭者櫛筭也折筭首者折吉筭之首也吉筭者

象筭也 檀弓曰魯婦人之髻而弔自敗於臺鮑始也

時家家有喪髻而相弔去纚而紒曰髻也 禮記外傳曰髻者婦人有喪者髻

古人重髻男子吉時皆有纚以緇其髮然後加筭加冠也 去纚而髻曰髻 魯婦人遭

也露髻相弔有麻髻 女子在室遭父母之喪用麻合髻以對兄弟括髮時也 有布

髻 齊衰已下 髻者開散之名也 既去有纚 左傳襄公四

年臧紇救鄆侵邾敗于狐駘國人送喪者皆髻魯於是

乎始髻

髻麻髮合結也遭喪者多故不能備凶服髻而已

廣雅曰幘謂之祺

經一

增周禮夏官曰弁師王之弁經弁而加環經 儀禮喪服傳曰苴經者麻之有蕢者也苴經大搗左本在下去五分一以為帶齊衰之經斬衰之帶也去五分一以為帶 禮記外傳曰經者實也表其有喪感之情實也喪服衰之與經因象平常之時冠帶吉凶相變也有首經有腰經有絞帶斬衰首經圍九寸向下皆五分去一用



為腰經則七寸五分齊衰首經七寸五分之一腰經五寸八分大功首經五寸八分腰經四寸六分小功首經三寸七分總首經三寸七分腰經二寸九分

## 經二

增首經

家禮云斬衰首經用有子麻帶黑色者為單股繩約長一尺七八寸圓圍九寸

無子麻為

麤繩

腰經

家禮云用有子麻兩股相交為

周圍七寸餘

腰經

家禮云用有子麻兩股相交為

之餘圍身外兩頭各存散麻三尺未結待成服日方結之其交結處兩頭各綴細繩繫之

麻為之制于男子繫于袪袖之上未成服不散垂

齊衰腰經大五寸餘其制一如斬衰而不散垂

環

經

雜記曰小斂環經  
公大夫士一也

弁經

喪大記云君將大斂弁經

苴經

士喪禮云

苴經大鬲左本在下要經小鬲散帶

絞帶

家禮云用有子麻為

垂長三尺牡麻經右本上亦散帶垂  
繩一條圓圍二三寸許初起長二尺就當中屈轉分為  
兩股各長一尺結合為一彊子然後合兩股為一條比

腰經較小些圍腰從左過後至前乃以末梢串從彊子  
中過反插于右邊在經之下如今人繫公服革帶相似

散帶

雜記大功以上散帶

原經以代紳

詳喪服

麻不絕本

喪服

小記云下殤小功帶澡麻  
不絕本誦而反以報之

履

增菅屨

斬齊裳菅屨者菅菲也

繩屨

公士大夫之衆臣為其君繩屨者繩菲也

疏

屨麓蒯之菲也  
疏衰服之

# 杖

原苴竹

削桐

喪服小記云苴杖竹也削杖桐也孔穎達疏云此一經解喪服苴杖削杖也然

杖有苴削異者苴者黠也夫至痛內結必形色外章心如斬斫破貌必蒼苴所以衰裳經杖俱備苴色也必用竹者以其體圓性直履四時不改明子為父禮申痛極自然圓足有終身之痛故也故斬而用之無所厭殺也  
削杖者削殺也削奪其貌不使苴也必用桐者明其外雖披削而心本同也且桐隨時凋落故謂母喪示外披削殺服從時除而終

扶身

白虎通云所以必杖者孝子失親悲哀哭泣三日不

食身體羸病故杖以扶

輔病

儀禮喪服傳云苴杖竹也削杖桐也杖各齊其

心皆下本杖者何爵也無爵而杖者何擔主也非主而杖者何輔病也童子婦人何以不杖不能病也

**不入室**

禮虞杖不入於室

**不升堂**

又云祔杖不升于堂

**三年不易**

有三

年之練冠則以大功之

**既殯皆杖**

喪大記云大夫喪三日既殯主人主

婦室老皆杖士喪二日而殯

**祖不厭孫**

父不主庶子之喪則孫以

杖即位可也

**舅不主妾**

父在庶子為妻以杖即位注舅不主妾之喪子得伸也

注祖不厭孫

**童子當室**

童子當室則免而杖

**長女在室**

女子在室為父母其主喪者不杖則

子一人杖注女子在室亦童子也無男昆弟使同姓為主不杖則子一人杖謂長女也許嫁二十而笄笄為成人成人

正杖也

**哭殯則杖**

大夫哭殯則杖哭柩則輯杖

**堂上不杖**

注避尊者

之處也

不以即位

記曰庶子不以杖即位又云為長子杖則其子不以杖即位也

不

以入廟

杖不終入於廟門

王命則去

杖

聽卜則去

聽卜有事於尸

則去

國命則輯

國君之命則輯杖

君所則輯

大夫於君所則輯杖於大

夫所

有爵而后杖

雜記曰古者貴賤皆杖叔孫武叔朝見輪人以杖閭韞而輟輪者於

是有爵而后杖也

父在不敢杖

父在不敢杖矣尊者故也

斷而棄之

棄杖者斷而棄之於隱者

杖而後起

禮

親在不為妻杖

為妻父母在不

杖不稽顙

姑在而為夫杖

婦人不為主而杖者姑在為夫杖注姑不壓婦

雜服

原慈母

練冠以喪慈母  
自魯昭公始也

出母

檀弓云不為伋也妻是  
不為白也母故孔氏不

喪出母自

久而不葬

久而不葬惟主喪者  
不除其餘以麻終身

莫知所

子思始也

終魏李膺祖敏為河內守公孫度欲用之遂去莫知所  
終膺父追求積年情若居喪而不聘娶鄰居故人與

父同年者因制服徐邈勸娶妻室膺遂  
詐服迎喪殷

絕房室膺孤幼居喪又設木主祭祖也

詐服迎喪

殷

仲堪為荊州王欽詐服迎拜父喪律當棄市仲堪曰律

處重者謂父在而詐服耳今欽父實先終與父在不同

遂活

設主祭祖

李膺詳  
上注

晉悼夫人

傳曰杞孝公卒  
晉悼夫人喪之

姊妹

南宮縚妻

南宮縚之妻之姑之  
喪夫子誨之壻詳筭

除服

原先重

長服小記云除喪者先重者鄭注云先重者謂練男子除乎首婦人除乎腰

易輕

又云易服者易輕者鄭注云易輕者謂大喪既虞卒哭而遭小喪也易喪服男子易乎帶婦人易乎首

母喪

後漢江革母終不忍除服郡守遣丞掾釋服因請為吏

姊喪

檀弓云子路有姊之喪可

以除之矣而弗除也孔子曰何弗除也子路曰吾寡兄弟而弗忍也子曰先王制禮行道之人皆弗忍也子路

聞之遂

殤喪

記云除殤之喪也必玄注不朝必純言于成人為釋禪服

成喪

除

喪者其祭也朝服縞冠注成人也縞冠未純祭服也

深衣練冠

檀弓云將軍文子之喪既除喪

而後越人來弔主人深衣練冠待于廟垂涕洟子游曰亡于禮者之禮也

朝服縞冠

見前注

增外除内疚

任昉竟陵王行狀云衣裳外除心負内疚茹感肌膚沈痛創鉅禮記云親喪

外除日月已竟哀不忘也

去官除服

孔帖云吳競母喪去官服除自陳脩史有緒家貧不能具

紙筆願得少祿以終餘功拜諫議大夫復脩史焉

起復一

增從宜

喪有四制變而從宜注四制者恩理節權也恩仁理義節禮權智也出喪服四制

原

奪情

公羊傳云重奪孝子之情望慕無窮

增移忠

孝經云君子之事親孝故忠可移於君

奪禮

常相制云頃奪禮于苴麻俾戾權于韎韐

順變

身許心喪奪情順變

原攝

事

晉張華為度支尚書母憂哀過禮中詔偪令攝事贊成伐吳之計也

金革無避

禮記曾子

問云子夏曰三年之喪卒哭金革之事無避也者禮與初有司與孔子曰夏后氏三年之喪既殯而致事殷人



既葬而致事周人卒哭而致事記曰君子不奪人之親亦不可奪親也此之謂乎子夏曰金革之事無避也者非與孔子曰吾聞之老聃曰昔者魯公伯禽有為之也今以三年之喪從其利者吾弗知也鄭注云疑有司初使之然致仕還其職位於君也伯禽有徐戎作難喪卒哭而征之急王事也

### 弁冕服事

公

傳曰古者臣有大喪則三年不呼其門也練可以弁冕服金革之事君使之非也臣行之禮也閔子要絰而服事既而曰若此乎古之道不即人心退而致仕孔子蓋善之也何休注曰已練可以弁冕此說時衰政失非謂禮當然也弁禮所謂皮弁爵弁也皮弁武冠爵弁文冠加旒曰冕主所以入宗廟服金革之事謂以兵事使之君使之非古道也

### 遣使釋服

東觀漢記云趙憲遭母憂上疏乞身行喪禮顯

宗不許遣使者為釋服賞賜恩寵甚渥案憲內典宿衛外幹宰職正身立朝未嘗解情及帝崩復典喪事再

奉大行禮事脩舉肅宗即位進為太傅

詔使即拜

東觀漢記云桓焉為太傅以母憂自乞聽

以大夫行喪踰年詔使賜牛酒奪服即拜光祿大夫遷太常

不敢踰制

漢書云翟方進為丞

相遭後母憂既葬三十六日除服起視事以為身備漢相不敢踰國家之制案師古注曰漢制自文帝遺詔

之後國家遵以為常大功十五日小功十四日總麻七日方進自以大臣故云不敢踰制

不令追

服後漢書曰耿恭征疏勒時母卒及還追行喪制有詔使五官中郎將齋賜牛酒釋服奪情不令追服

弁經即事

禮曰君既葬王政入於國既卒哭而復王事大夫士既葬公政入於家既卒哭弁經帶金

革之事無避注此權禮也弁經帶輕服權以即事也

墨衰從戎

晉伐秦遂發命子墨衰經注晉

文朱葬襄公以凶服從戎故墨衰經稱子也晉於是乎始墨遂常為俗

官舍設靈

晉傳咸繼

母喪以無兄弟自陳  
詔乃使官舍設靈

### 事畢還祿

禮閔子騫以孝聞者也。要經而服事君。既

而曰若是乎古之道不即人心退而致仕孔子善之注  
既事畢言古者不敢斥君即近也退退身也致仕還祿  
位於君也孔子善其服事君

### 自陳喪制

太康七年大鴻臚鄭默母

喪當依舊攝職自陳始制大臣終三年然元康中陳  
準傳咸之徒猶以權奪不得終禮自茲往往為此也

### 請辭軍事

魏解弘遭父喪有軍事當行辭疾病帝怒曰汝非曾閔收廷尉高柔為請之帝乃原之

### 增服闋視職

晉顧和拜銀青光祿大夫領國子祭酒頃之母憂去職居喪以孝聞既練衛將

軍褚裒上疏薦和為尚書令遣散騎郎喻旨每見逼促  
輒號咷慟哭謂所親曰古人或有釋其憂服以祇王命  
蓋以才足幹時故不得不體國殉義吾在常日猶不如  
人況今中心荒亂將何以補于萬分祇足以示輕忘孝

道貽素冠之譏耳和表疏十餘上遂不起服闋然後視職

**奪情就職**

山濤居母喪負土成墳手

植松柏詔奪情就職以濤為

**令起視事**

隋郢國公蘇威為右僕射

吏部尚書濤不得已就職

以母憂去職柴毀骨立上敕威曰公德行高人情寄殊

重必須抑割為國惜身朕之於卿為君為父宜依朕旨

以禮自存未

**建言奪服**

唐書天下既定羣臣居喪者皆奪服崔善為極言其弊武

幾起令視事

德二年始許終喪然猶時以權迫

**固請終制**

唐張說累遷工

不能免如房玄齡褚遂良者眾矣

部兵部二侍郎以母喪免既期詔使為黃門侍郎固請

終制祈陳哀到時世俗衰薄士以奪服為榮而說獨以

禮終天下高之

又武后朝解琬除監察御史以喪免

武后以琬習邊事迫令西撫羌夷琬因乞終喪后嘉許

之又代宗朝宗室涵方母喪奪哀持節宣慰所至州

縣非公事未嘗言疏飯水飲席地以暝及使還固請終

制代宗見其瘠毀許之

**固辭見聽**

李朝隱授岐州刺史母喪解職召為揚州大都督府長史

固辭見聽

**强起就職**

于志寧為太子詹事以母喪免有詔起復本官固請終喪帝遣中書侍郎

岑文本敦諭之曰忠孝不兩全今太子須人教約卿强起為我卒輔導之志寧乃就職

**奪服拜**

**官**

杜暹遷給事中以母喪解職會安西都護張孝嵩遷太原尹或言暹往使安西虜服其清今猶慕思乃奪

服拜黃門侍郎兼安西副都護

**苦塊奉詔**

來瑱擢潁川太守母喪免以孝聞安祿山反張洎薦

之興塊次拜汝南太守鄭元璵母喪免會突厥提精騎數十萬身自將攻太原詔即苦次起元璵持節

**衰麻謁相**

李林甫聞蕭穎士名欲拔用時穎士寓居廣陵居母喪服衰麻詣京師徑謁林甫於政事

堂林甫素不識遽見衰麻大惡之即令斥去穎士大怒乃著伐櫻桃賦刺林甫有曰擢無庸之瑣質專廟朝之

右 **奪服不哭**

唐陳思忠居父喪詔奪服客往弔思忠辭以辰日薛大鼎子克構曰事親者避

嫌可也既孤矣則

**釋衰拜賜**

呂誼擢平章事會母喪解三月復召知門下三

無不哭世服其論

品當賜門戟或勸誼以凶服受吉賜不宜誼釋衰拜賜人譏其失禮

**徒跣藉橐**

歐陽詢母喪詔

奪哀每入朝徒跣及門夜直藉橐

**被髮居堊**

田弘正遇害魏

以寢非公事不語還家輒號慟

人素德弘正以田布賢使世其官穆宗遽召布解衰拜魏博節度乘傳以行布號泣固辭不聽乃出伎樂與妻

子賓客訣曰吾不還未至魏三十里

**墨衰玄纁**

田布起復

跣行被髮號泣而入居堊室屏節旄

節度使制云墨衰在體玄纁在

**峨冠泣血**

韓偓言宰相崔貽範

前提劍就命無忘哀敬元稹撰

處喪未數月遽使視事傷孝子心今中書事一相可辦陛下誠惜貽範才俊變衰而召可也何必使出峨冠廟

堂入泣血柩側毀瘠則廢務勤  
恪則忘哀此非人情可處也

### 起復之制

五代史云鄭餘慶嘗

採唐士庶吉凶書疏之式雜以當時家人之禮為書儀  
兩卷明宗見其有起復之制歎曰儒者所以隆孝悌而  
敦風俗且無金革

### 起復之服

朝野雜記云故事大臣  
奪情者服慤光幘黻紫

之事起復可乎

袍皂角帶道君惡之政和末始議以八公門不應變服  
遂以吉服朝然居家猶喪服也紹興初朱藏一起復右

僕射請所服太常援政和近事為請而居第則慘服去

佩馬議者不以為是孝宗之喪趙子真當國始令羣臣

服白涼衫卓帶以治事建終喪乃止論者以為是及光

宗之喪禮部侍郎陳宗召復請百官以日易月禪除畢

服紫衫卓帶

### 佩魚不中禮

談錄李宗諤云先公周顯  
德末翰林學士起復裹素

以治事從之

紗軟脚幘頭黻紫公服每入朝猶佩魚袋或曰魚袋者  
取事君夙夜匪懈之義然以金為飾亦身之華也居喪

奪情不當有金銀之飾公遽謝不敏

# 起復非好事

石林過庭錄云至和間富鄭公為相以母

喪去位時久無以宰相持喪者昭陵意大向公必欲起復詔再下再力辭上以盧朱崖薛文惠故事切責有云以相國之尊而守匹夫之節任天下之重而為門內之私朕所不取也且命中人督公起非同就道不得先還公復抗章言天下無事宰相奉行常務豈可與太宗時比中書樞密院臣僚韓琦等平居皆嘗與臣論起復不是好事今在嫌疑之地必不肯為臣盡言惟斷自聖意上知其不可奪乃已

## 六疏辭

宋孝宗詔

起復劉珙為宣撫使凡六疏辭之引經據禮詞甚切至帝為寢其詔

## 四學諫

宋理宗起復史嵩之

太學生黃愷伯等百四十四人上書曰嵩之不天徘徊牽引轉移上心衷私御筆必得起復之禮然後從容就道初不見其憂戚之容是率天下而為無父之國矣武學生翁日善等六十七人京學生劉時舉等九十七人



宗學生與寰等三十四人皆上書切諫皆不報

歷陳起復之非

明李賢還京上疏乞終喪

不允遂入閣視事編修羅倫上疏請許李賢終制歷陳古今起復之非反覆數千言辭甚切直倫復詣賢私第告以不可賢怒力辭

交劾忘親之罪

明張居正奉旨奪情視事吳中

內批貶倫士論榮之行趙用賢艾穆沈思孝交章劾其忘親貪位居正怒王錫爵造喪次求解居正屈膝於地舉手索刃作刎頸狀曰爾殺我爾殺我

原既葬不入庫門

魯莊公之喪既葬而經不入庫

錫爵大驚趨出門注時慶父作亂閔公不敢居喪葬以吉服而反正君臣欲以防遏之也

卒哭而復王事

前見節以忠全情由禮抑門內之治恩掩義門

外之治義斷恩父母之喪三年不從政齊衰之喪

三月不從政 所宜移孝入忠 不可以恩掩義 公  
勤奉上宜從金革之虞 哀戚在中何必苴麻之飾

起復二

增啟梁任昉上蕭太傅奪禮啟曰昉往從末宦祿不代  
耕飢寒無甘旨之資限役廢晨昏之半膝下之歡已同  
過隙几筵之慕幾何可憑且奠醑不親如在安寄晨暮  
寂寥聞若無主所守既無別理窮咽豈及多喻明公功  
格區宇感通有塗若霈然降臨賜寢嚴命是知孝治所

被爰至無心錫類所及匪徒教義不任崩迫之情謹以  
啓事陳聞

增表宋宋庠代李副樞乞終喪表曰遭喪奔赴奄集私  
門餘喘窮號方迷魂榦猥蒙恩諭收齒官聯聞命驚迷  
撫心殞越伏念臣早由羈齒入服仕途先父勉臣以義  
方教臣以忠蓋俾其奉國不使顧私不圖瞻謁無日邁  
閔終天藥劑隔於親嘗風木纏乎永痛靜言孤苦尤倍  
尋常寧可冒四近之榮忘三年之愛而況心馳塋冢方

卜於始襄身遠几筵殆同於不祭苟容去職未謂乏人  
伏望陛下俯徇哀祈追收權典許終喪紀獲報劬勞庶  
棘人之風普均於有截先王之禮不廢於最靈願竭餘  
陰永酬洪造 王淮辭免起復太宰表曰苦塊餘生已  
濱死所綵綸渙號俾服官班敕使薦臨德音下逮呼天  
號絕撫已驚迷伏念臣早偶家艱專承母訓零丁孤苦  
邈爾無依鞠育提攜逮夫有立犬馬之養未伸風木之  
悲遽至攀號泣血摧踊殞心仰賴聖神之恩甫終窀穸

之事几筵是奉墳土未乾痛深陟屺之瞻恨未及泉之  
見敢謂宸衷念舊優詔奪情蓋三年免懷通喪者乃聖  
王之制而踰月視事變禮者豈治世之風雖睿眷之殊  
常豈私情之所忍伏望陛下推孝思而錫類謹宰柄以  
馭臣念哀苦之方深况衰疲之已甚報親日少願終制  
以為期事國時長尚捐軀而未晚 又曰方席薪而枕  
塊於義為安俾服冕而乘軒共知不可哀悰薦布宸聽  
未回再殫罔極之情冀動蓋高之聽伏念臣猥蒙天眷

誤玷宰司久無補於明時亟自招於大禍慈顏遽隔悲  
隙駟之難留厚甯甫成倚苦廬而永慕庶畢哀恫之制  
少酬顧復之恩忽奉制綸俾還相位私情莫處公議靡  
容豈可遵故事以蹈前非但當守禮經而據古是臣重  
罹酷罰屬在衰年既極摧殘寢成疾恙精神陡耗筋力  
頓衰雖強使之造朝決難堪於應務伏望陛下委大明  
之照憫不移之愚追寢渙恩俾終祥禪則聖主得全於  
禮貌而孤臣獲畢其孝思疾首痛心或偷生於此日銘

肝鏤肺期報德於他時 劉珙辭免起復表曰泣血陳

詞仰祈聰聽批章示訓尚閔俞音涕泗無從回皇失措  
伏念臣俄纏藥棘之悲永負劬勞之報呼天靡及觸地  
無容強食勝喪空驚過隙之駟感時追往更傷返哺之  
鳥敢意敕使薦臨德音頻降雖君命召固難俟駕而行  
念人子情不忍短喪而出矧今耆老在上忠賢繼登外  
無兵革之虞內有禮樂之備則焉用於愚臣俾故違於  
典禮伏望陛下大明旁燭至德兼容俾酬慈母之恩俯

遂匹夫之志褒形一字已同華袞之榮譽畢三年庶免素冠之刺

恩服

原袞逢舉荀爽

後漢袞逢舉荀爽不應及卒制服三年

向苗舉桓鸞

向苗

舉桓鸞為膠東令

陸景為祖母

晉陸景為祖母所育心喪三年

周

苗卒奔喪終三年

翼為郄鑒

周翼為舅郄鑒去職心喪三年

趙武為程嬰

服齊衰三年

公

臣為管仲

管仲遇盜取為公臣及死桓公使為之服

韋泓託應詹

晉書韋泓屬亂

離依託應詹詹分甘苦營伉儷及宅并薦之詹卒制朋友服祭之終身

傅燮為所舉

傅燮



再舉孝廉聞所舉卒棄官行服

樂恢為郡守

樂恢為本郡吏太守坐法奔喪行服

龐

濟為徐楫

魏徐楫請龐濟為主簿楫死送喪行服

增行服如所親

李亮大

後所育孤姓為大亮行服如所親者

哀毀如大喪

孔帖云畢創始喪繼母而二妹襁褓身鞠

養至成人及卒妹為創服弟栩留司東都聞疾馳歸哀毀如大喪雖變服未嘗笑天下稱其友悌

號

哭如喪親

初齊王憲女嫠居李綱厚恤之及綱卒女被髮號哭如喪其親

丁潭為琅

邪王

琅邪王哀始受封帝欲引朝賢為其國上卿遂用丁潭為郎中令會哀薨潭上書求行終喪禮曰輒

案令文王侯之喪官僚服斬既葬而除今國無繼統喪庭無主臣實陋賤不足當重謬荷首任禮宜終喪詔下

博議使除服

心喪三年

# 追行喪服

原李燮

漢李燮父固為梁冀所害燮匿於人家得免十餘年梁冀誅乃還鄉里追行喪服與姊相見悲

感路

袁紹

後漢袁紹生而父卒遭母喪服竟又追父服凡在廬冢六年禮畢歸洛陽非海內知

名不見

劉臻

漢宗室東海孝王臻及儉並有篤行母亡皆吐血毀瘠至服練兄弟追念初喪父幼

小哀禮有闕

增蕭希甫

五代史曰梁袁象先為青州節度使以蕭希甫為巡官希

重喪制也

甫不樂乃棄其母妻燮姓名亡之鎮州及莊宗滅梁遣希甫宣慰青齊始知其母已死而妻袁氏亦改適矣乃

發哀服喪

居於魏州

# 服過制

原喪不除

曾子問云父母之喪弗除可乎孔子曰先王制禮過時弗舉禮也非弗能勿除也患其過

也於制

期猶哭

檀弓曰伯魚之母死期而猶哭子曰嘻其甚也伯魚聞之遂除之

行

服六年

後漢汝南薛包行服六年

庶母三年

晉衛崇為庶母服三年顧和曰禮以執物

成教心奪天屬之性今冒越皆下太常奪服

妻亡終喪

盧欽字子若妻亡盧杖終喪不御酒

肉劉寔不以為罪

妻卒並杖

順帝時山陽太守王襲字伯宗妻卒與諸子並杖行時人議之

薛宣相駁

漢薛宣字貢君為丞相弟脩為臨淄令後母卒脩去官持服宣謂脩三年喪人少能

行之兄弟相駁不可脩竟行服兄弟由是不和

薛勤何恨

魏薛勤喪妻不哭曰幸不為夫何復

哉恨

謚一

原說文曰謚者謚行之迹也 韋昭辨釋名曰古者諸

侯薨則天子論行以賜謚唯王者無上故於南郊稱天  
以謚之當春秋時周室卑微臣謚其君故諸侯之謚多

不以實 古史考曰謚禮待葬而謚所以尊名也其行

善善惡惡為謚所以勉為善也 禮記曰君子已孤不

更名已孤暴貴不為父作謚

注作謚嫌以已尊加於父也

又曰幼名

冠字死謚周道也 禮表記子曰先王謚以尊名節以

壹惠恥名之浮于行也

注云謚以尊名為美謚以尊顯其聲名也壹專也惠善也善行

雖多難以枚舉但節其大者以尊其善故曰節以壹惠也

大戴禮曰武王踐阼曰謚

者行之迹是以大行受大名小行受小名行出乎已名

出乎人 論語曰子貢問曰孔文子何以謂之文也子

曰敏而好學不恥下問是以謂之文也 春秋說題辭

曰號者功之表謚者行之迹所以追勸成德使尚務節

五經通義曰謚者死後之稱累生時之行而謚之生

有善行死有善謚所以勸善戒惡也謚之言列其所行

身雖死名常存故謂謚也 晉中興書曰時賜謚多由  
封爵不考德行王導曰近代以來唯爵得謚武官牙門  
有爵必謚卿校常伯無爵悉不賜謚甚失制謚之本今  
中興肇建勲德兼備宜深體前訓使行以謚彰中宗納  
焉自後公卿無爵而謚自尊始也

謚二

增唐上元元年尊太公望為武成王宋大中祥符元年  
加謚昭烈武成王 原檀弓曰公叔文子卒其子成請

謚于君曰日月有時將葬矣請所以易其名者君曰昔者衛國凶饑夫子為粥與國之餓者是不亦惠乎昔者衛國有難夫子以其死衛寡人不亦貞乎夫子聽衛國之政脩其班制社稷不辱不亦文乎故謂夫子貞惠文子左傳曰無駭卒羽父請謚與族公問於衆仲衆仲對曰天子建德因生以賜姓胙之土而命之氏諸侯以字為謚因為族官有世功則有官族邑亦如之公命以字為展氏穆天子傳曰為盛姬謚曰哀淑人增

唐會要開元二十七年追謚孔子為文宣宋大中祥符

五年追謚至聖元加謚大成曰大成至聖文宣王明朝

因之至嘉靖間改為先師孔子 原列女傳曰魯黔婁

先生死曾子與門人往弔焉曰何以為謚其妻曰以康

為謚昔者先生君嘗賜之粟二十鍾先生辭而不受是

其有餘富也君嘗欲授之國相先生辭而弗為是有餘

貴也求仁而得仁求義而得義其謚為康不亦宜乎

左傳曰楚子疾告大夫曰不穀不德亡師于鄢以辱社



稷若以大夫之靈獲保首領以歿于地唯是春秋寔寔

之事所以從先君子禰廟者請為靈若厲大夫擇焉既

卒子囊謀謚大夫曰君有命矣子囊曰君命以共若之

何毀之赫赫楚國而君臨之撫有蠻夷奄征南海以屬

諸夏而知其過可不謂共乎請謚之共大夫從之增

晉太子申生卒晉人謚為恭太子謚始此原漢書曰

霍去病元狩六年薨上悼之發屬國玄甲軍陳自長安

至茂陵為冢象祁連山謚之景桓侯

謚法仁義行剛曰  
景辟土行遠曰桓

又曰賈山奏事曰古者聖王作謚三四十世爾雖堯  
舜禹湯文武累世廣德以為子孫基業無窮二三十世  
也秦始皇帝曰死而以謚法是父子名號有時相襲也  
以一至萬則世世不相復也故死而號曰始皇帝東  
觀漢記曰吳漢爵位奉賜最尊重然但治宅不起巷第  
恭儉如此病薨奏謚曰有司議以為武昭特賜謚曰忠  
侯張璠漢記曰范丹中平二年卒三府各遣令史奔  
弔累行論謚僉曰宜為貞節先生會葬二千餘人增

賈充字公閭老病自憂謚傳從子模曰是非久自見不可掩也晉太康中卒博士秦秀以其奸回弑逆請謚以荒帝更曰武王儉字仲寶卒禮官欲謚文獻王晏與儉不平啓上曰此謚自宋以來不加異姓因改謚憲

王通龍門人字仲淹四遊長安見隋文帝於太極殿奏太平十二策不報退居河汾教授生徒大業末卒於家門人謚曰文中子楊侃職林唐貞元十五年故唐安公主賜謚莊穆則公主謚自此始及考唐高祖女平陽

公主起兵參佐已謚為昭齊高帝女妻沈攸之子文和  
已謚為興憲則公主賜謚又非自唐安始矣 唐岐王  
範卒明皇贈謚惠文太子史斷云範乃明皇之弟而是  
時官又為太子傅顧以太子謚之顛倒不倫 唐宋王  
名成器後改封寧王名憲開元二十九年薨上哀惋特  
甚曰天下兄之天下也固讓於我為吳太伯常名不足  
以處之乃謚曰讓皇帝其子汝陽王璿表述先志固讓  
不許代宗時又追贈曰齊王 處士楊厚新都人少傳

父統業東漢順帝時徵至長安累官侍中拜議郎後稱  
病歸教授門生三千餘人卒年八十二鄉人謚曰文父  
唐趙元亮字貞固少負志略如隱者之操及卒其友  
魏元忠宋之問崔璩等謚曰昭夷先生 許敬宗在唐  
奸回取容忍心害理及卒太常博士袁思古按謚法名  
與實真曰繆請以謚之敬宗孫彥伯訟請改謚博士王  
福時曰何曾既忠且孝徒以日食萬錢得謚為繆敬宗  
忠孝不逮於曾而飲食男女之累過之謚之曰繆無負

許氏矣詔五品以上更議禮部尚書楊思敬曰過而能改曰恭請謚曰恭詔從之 裴光庭字連城唐開元中

為吏部尚書用人多循資格失勸獎之道及卒博士孫琬請謚曰克其子訟之賜謚忠獻 顏杲卿真卿從兄

也唐天寶末為常山太守安祿山反城陷被執罵賊而死楊國忠用張通幽譖竟無褒贈真卿泣訴於上杖殺通幽贈杲卿太子太保謚忠節 顏真卿為賊所殺貞

元中追贈司徒謚文忠 李晟破賊時咸寧公渾瑊亦

進取咸陽其功固不相下故其卒與晟同謚忠武 蕭

穎士字茂挺唐開元中舉進士對策第一尹徽王恒盧

異等執弟子禮受業門下號蕭夫子與李華齊名及卒

門人共謚曰文元先生 宋慶禮卒太常以其奸巧自

是謚曰專禮部員外張九齡駁之曰慶禮在邊陲二十

年邊亭晏然不當加以醜謚改曰敬 漢世母后無謚

高祖尊先母為昭靈夫人尊高后為昭靈后至明帝葬

陰太后始建光烈之稱然猶未以謚名也其後母后止

有二謚至宋仁宗時劉太后崩謚莊獻明肅則母加四

謚自此始矣 宋邵雍字堯夫天性高邁迥出千古而

坦夷溫厚不見圭角所著有皇極經世觀物內外篇漁

樵問答擊壤集行世卒年六十七程明道銘其墓朱文

公為之贊元祐中賜謚康節 陳瓘字瑩中號了翁紹

興中特謚忠肅 戚同文字文約所交皆當世知名士

楊徽之因使至郡多與之酬倡及卒徽之與其門人謚

堅素先生 明世宗時真人邵元節卒贈少師謚文康



榮靜初死時內閣擬二謚御批俱用故得四字謚

### 謚三

原取善

表記云先王謚以尊名節以壹惠恥名之浮於行也注惠善也節以一善言取其一大善以為

謚號也

知行

聞其謚

成德

穀梁云葬而後舉謚所以成德也徐邈注云

成謂定其德之優劣

尊名

表記云先王謚以尊名鄭注云名者謂聲譽也言先王論行以為謚以尊

名者使聲譽可得而尊信也

當實

崔駰議章帝謚云臣聞號者功之表謚者行之迹據德錄功名

當其實

受名

王導上疏曰臣聞大行受大名則實稱不誣而已

太史掌

周禮太史

掌卿大夫喪賜謚讀誄

大夫謀

楚恭王詳謚二

陳行迹

周禮太師職云大喪帥瞽

而廢作匿謚鄭氏注云廢興也興言王之行謂諷誦其治功之詩故書廢為淫鄭司農云淫陳也陳其生時行迹為

### 附豐功

孫毓謚議云大名必加茂實美號必附豐功

### 商臣加惡

傳云

商臣弑其父謚之曰靈不瞑曰成乃瞑注禮既葬乃謚商臣忍人既弑父未斂而加惡謚也

### 子囊

### 增名

君子謂楚子囊忠君薨不忘增其名注謂謚君為恭

### 文者一言

白虎通云謚或一言

或兩言何文者以一言為謚高宗殷宗也質者以兩言為謚故湯死後世稱成湯也

### 帝后一體

蔡邕謚議云漢世母氏無謚至於明帝始建光烈之稱謚法有功安民曰烈帝后一體禮亦宜同皇太后宜謚

為和熹烈皇后

### 大夫會謚

白虎通云諸侯薨世子赴告天子遣大夫會其葬而謚之何幼

不諱長賤不諱貴諸侯相諱非禮也臣當受謚於君也

### 鴻臚奏謚

漢書云諸侯薨大鴻臚奏

諡諡策注曰  
諡策簡也

上古無諡

抱朴子云上古無諡始於周家耳

中古為

諡史記秦始皇制曰朕聞太古有號無諡中古有號死

取焉自今以來除諡法朕為始皇帝後世以計數二世三世至千萬世傳之無窮

增取孝為

諡荀爽對策  
詳諡一

無爵而諡  
詳諡一

二字非褒一

字非貶

並詳諡四  
獨孤及議

門人私諡

鄉人公諡

後代追

諡訟請改諡

並詳諡二

原別尊卑彰有德

白虎通云死有諡何諡者

別尊卑彰有德也

生無爵死無諡

郊特牲云死而諡今也古者生無爵死無諡鄭注曰

古謂殷以前也大夫以上乃謂之爵死有諡也周制爵及命士雖及之猶不諡耳今記時死則諡之非禮也

謚有七十二品

白虎通云所以謚之為堯何為謚有七十二品禮記謚法曰翼善傳聖謚

曰堯仁聖盛明謚曰舜慈惠愛

議者百五十人

何晏

民謚曰文強理勁直謚曰武

帝謚議表云案外內羣寮議宜曰明餘所執難各不同書曰三人占則從二人之言傳曰善鈞從衆今稱明者

可謂衆也

彰明既往

沮勸將來

謚四

原表梁陸倕為張纘謝兄尚書謚靖子表曰亡兄夙構  
皇慈早邀靈慶立言著績未酬天寵門衰祚寡遽辭昌  
運拊心摧恨私懷罔極日月告時幽埏寢遠王人猥集

佳冊光臨榮溢里庭恩沈松檟

原書齊虞羲與蕭令王僕射書為袁豕求謚曰袁侍中  
體高亮之宏姿挺孤奇之逸操孝友結於衡閭忠正表  
於邦域懷抱七經該綜百氏清文麗目幾義窮神言非  
義而不發容導禮而後動居貧無悶事等安期處顯不  
驚道均無歎兄弟親從同居共財怡怡雍穆人所不聞  
顧與善無徵報施徒語岱山委岫崑岳摧峰四海搢紳  
誰不掩泣明公德冠時宗道高物表若得橫議聖時斟

酌今古採茂實於當年標芳流於千載馳徽謚於山道  
潤貞氣於泉門豈非體國之至公典謨之盛軌者哉

原議晉張華晉文王謚議曰殊位盛禮實隆明德班爵  
崇寵亦光茂勲至於表名贈號世考洪烈冠聲無窮者  
莫尚於號謚也論功高於禹稷比德邁於伊周 增唐  
許孟容德宗謚議曰皇莫大夫義軒帝莫加於唐虞似  
氏商鎬亦續憲度咸紀名謚以揚昭光徽發揮茂耀如  
揭日月泥金方草仙鼎忽成汗漫無從希夷永閔哀同

軌之將會仰鴻名之可易鋪衍至蹟錫乎無窮 賈餗

敬宗謚議曰七月將至同軌既集上稽國典傍考物情  
約以經義合諸謚法表功節惠庶叶大中 蘇滌宣宗

謚議曰皇天平分盛王全用施雷雨之廣澤則庶物生  
成務恩威之至仁則四海亭育遂使含靈受泰觸類知  
懷美謚大名固當稱謂 杜宣猷懿宗先太后謚議曰

母儀夙著壺教自高夢日照其休祥俛天表其鴻慶晦  
曜未兆逢時乃彰殊榮不在於生前緡禮必行於身後

當海晏河清之日屬賓天上漢之朝故劔軫皇情之深  
新阡赴丹禁之慟於是痛環珮之絕響感詩禮之無聞  
爰詔近臣俾詠明淑神算添句用寫悲情豈八字之能  
倫與三光而齊朗天文照臨哀榮兼極璇宮對立蘭殿  
煥開想像如覆於玉衣盱嚟疑遊於金屋上仙之日都  
人不簪於棠花追榮之辰國風空賦於苕菜秦原松櫟  
佳氣久凝漢后禕褕盛禮俄及道光前古德冠後宮發  
睿感於賜衣軫孝思於遺鏡遂揚翟黻之禮以慰昭靈



之慈 崔履駁議郭知運曰若節度合謚而不以其時

則嗣子廢先君之德若不合謚而苟遂其志則先君因  
嗣子而見尊以僕射而言恐貽越禮之讓以國家而言  
又殊旌善之體 故太保丞相贈太師苗晉卿謚議曰  
古者生以行觀其志歿以謚易其名字之美惡視行之  
大小後代或三字以表德貞惠文子是也或二字以彰  
善鄭文終侯留文成侯是也蓋其跡大名盛則禮優謚  
崇 獨孤及重議呂誼謚曰昔孔子作春秋以繩當代

而亂臣賊子懼謚法亦春秋之微旨也在懲惡勸善不在哀榮在議美惡不在字多文王伐崇周公殺三監誅淮夷晉重耳一戰而霸諸侯武功盛矣而皆謚曰文以冀缺之恪德臨事甯俞之忠於其國隨會之納諫不忘其師立身不失其友其文德豈不優乎而並謚曰武固知書法者必稱其大而略其細故言文不言武言武不言文三代已下樸散禮壞乃有二字之謚二字謚非古也其源生於衰周施及戰國之君漢興蕭何張良霍去

病霍光俱以文武大畧佐漢致太平其事業不一謂一名不足以紀其善於是乎有文終文成景桓宣成之謚雖瀆禮甚矣然猶褒不失人唐興參用周漢之制謂魏徵以王道佐時近文直言極諫愛君而忘身近貞二德並優廢一不可故曰文貞公謂蕭瑀端直鯁亮近貞性多猜貳近褊言褊則失其審正稱貞則遺其宏狹非一言所能名故曰貞褊公其餘舉凡推類大抵準此皆有為為之也若迹無殊途事歸一貫則直以一字目之故

杜如晦謚成封德彝謚明王珪謚懿陳叔達謚忠溫彥  
博謚恭岑文本謚憲韋巨源謚昭唐休璟謚忠崔日用  
謚昭其流不可悉數此並當時赫赫以功名居宰相位  
者謚不過一字不聞其子孫佐吏有以字少稱屈者由  
此言之二字不必為褒一字不必為貶若褒貶果在字  
數則是堯舜禹湯文武成康不如周威烈王慎靚王也  
齊桓晉文不如趙武靈王魏安釐秦莊襄楚考烈也杜  
如晦王珪已下或成或明或懿或憲不如蕭瑀之貞褊

也 蘇端駁司徒楊綰謚議曰聖人立謚有公無私所以周宣不敢私於父謚曰厲漢宣不敢私於祖謚曰戾百王明制歷聖通則昔公叔文子有死衛之節脩班制之勤社稷不辱方居此謚爰及太宗初魏公徵有匡救公直之忠中宗末蘇瓌有保安不奪之節所以諸賢甚衆謚文貞者不過數公至於燕公張說先朝辭翰之臣名節昭著省司尚謂不可至今人故稱之 梁肅代太常答蘇端駁楊綰謚議曰夫具美果在一名則士文伯

孔文子且無經緯天地之文孟武伯甯武子又非克定禍亂之武若以廢禮不稱其名則臧孫辰縱逆祀不得謚文管夷吾臺門反玷不得謚敬是知議名之道錄其所長則舍其所短志其大行則遺其小節使善惡決於一字褒貶垂於將來蓋先王制謚之方也且聖無全能才不必備以鄭公徵立言正色恥君不如堯舜其節大矣而昧於知人許公瓌固執遺詔廷沮邪計其志明矣終不能守故春秋為賢者諱過傳稱不以一青掩大德

語曰無求備於一人蓋二公所以為文貞也若曰百行所歸九德咸事如周公之文宣父之德然後擬議則千古莫嗣而謚典絕矣安在一二蘇魏足為定制乎李巽駁尚書右僕射鄭珣瑜謚議曰夫文人者大則經緯天地次則潤色王猷周文以至德為西伯季孫以道事其主咸謚曰文為美無以尚也亦焉用兩字然後為備哉兩字之謚非春秋之正也故相國鄭公之謚為文足矣焉用獻哉為獻可矣焉用文哉又李巽議曰夫謚

一字正也堯舜禹湯周公召公是也兩字非正也故謚法不載或人臣不守彝章苟逞異端考烈慎覲是也或時主之權以功德加厚於臣也蕭何霍光房玄齡魏徵是也不當加而僭也孔光劉寬薛元超李元紘是也三字過也貞惠文是也亦謚法所不載也古今無有也公叔文子謚衛君之過也衛之亂制也不然即記之失也以一美加一字即堯舜禹湯當累數十字以為謚也

韋乾度駁左散騎常侍房式謚議曰聖上法維天之度



崇納汙之弘雖宏澤滂流鼓盪昭洗然易名之典在正  
根源苟非其人不可加美


御定淵鑑類函卷一百八十

謹案第二十四頁後三行譚釋哀拜賜刊本譚訛

謹據唐書改

第三十頁後四行劉臻刊本劉作王按臻係漢宗  
室非姓王也據後漢書改

--	--	--	--	--	--	--	--	--



總校官庶吉士

臣

張能照

校對官檢討

臣

王福清

謄錄監生

臣

衛子忠

欽定四庫全書薈要

子部

御定淵鑒類函卷一百八十一



詳校官兵部主事臣雷純

欽定四庫全書薈要卷一萬一千六百二十九

子部

御定淵鑑類函卷一百八十一

禮儀部二十八

諱送葬

忌日

葬

冒法葬誅者

諱

禮達事父母則諱王父母注逮及也謂孤幼不及識父母思不及

於祖此庶人也

聞名

聞名心瞿

諱終

傳周人以諱事神名終將諱之

諱新

卒禮

哭以木鐸徇於路捨故而諱新注云

辭曹

羊祜為荊州刺史及

故謂高祖之諱新謂新死者之諱

卒有遺愛故荊州人

改選

晉江統叔父春為宜春令統因上疏曰故事父祖與

為諱改戶曹為辭曹



事

禮達事父母則諱王父母注逮及也謂孤幼不及識父母思不及

官名同皆得改選未有身與官職同不在改例  
以爲臣子開地春秋不奪人親之義朝廷從之  
無私

諱曲禮君所無私諱鄭注曰謂臣  
言于君前不避家諱尊無二也  
有公諱曲禮士于

注曰避君諱也  
小史詔周禮小史王有事詔王之  
忌諱注忌先王死日諱先

王  
太史記太史典禮執  
簡記奉諱惡  
名具教國語范獻子聘魯  
問具教二山對曰

先君獻武之諱也獻子歸告人曰  
人不可不學吾適魯名其二諱  
改鄆稽晉咸和元

峻司徒王導欲出王舒爲外援乃拜撫軍將軍會稽內  
史上疏以父名會不作會稽廷尉以字同音異於禮無

嫌舒陳狀音雖異而字同  
乞換他郡於是改會爲鄆  
以諱爲首孔融集晉有獻

序以諱  
爲首  
名不偏諱曲禮二名不偏諱夫子之母名  
徵在言在不稱徵言徵不稱在



卒哭乃諱

雜記卒哭乃諱鄭注云敬鬼神之名也生者不相避名衛侯名惡大夫有名惡君臣同名

春秋

卒哭而諱

雜記卒哭而諱王父母兄弟世父叔父姑姊妹子與父同諱鄭注云自此

而鬼神事之尊而諱其名父爲其親諱則子不敢不從諱也

公所無

私禮志大元

孔安國爲侍中表以王瑜名犯諱不得連署求鮮有司議云公所無私諱豈公奪私王制屈家禮也王祐許換

曹是出制外夫皇朝禮大百僚備職徧官列署動相關涉若人遂其心則亦易官易職遷流莫已

子

名臣名

父前子名君前臣名注對至尊無大小皆稱名也

大功小功

不諱

不

諱夫人

曲禮夫人之諱雖質君之前臣不諱也鄭注云臣於夫人之家恩遠也

不避夫

人

徐邈難謝康樂云臣不避夫人之所諱惟事關於夫人者不言也

道其父名

世說桓

主呼人溫酒自道其父名

**犯我家諱**

又云桓南郡被召作太子洗馬

船泊荻渚王大服散後已小醉往看桓桓為設酒不能

洽飲頻語左右曰令溫酒來桓乃流涕鳴咽王便欲去

桓以手巾掩淚因顧謂王曰犯我家

**永有攸諱**孔融

家永有攸諱

**嫌名不諱**

禮不諱嫌名注謂聲相近

**入門問諱**

曲禮

**出**

**門無諱**

即王述內諱不出門語餘見後

**二名非禮**

**增犯諱被代**

王亮

為晉陵守晉陵令沈璜之性鹿疎好犯亮諱亮啓廢之

璜之造坐云下官以犯諱被代未知明府諱若為攸字

**改鳳莊**

當作無骸尊旁犬為犬旁無骸尊若是有心  
攸無心悠乞告示亮皇恐璜之大笑而去  
**門**蕭子顯齊書始安貞王道生字孝伯太祖次兄也子  
鳳字景慈卒宋明帝贈始安靖王改華林鳳莊門為

望賢門太極東堂畫鳳鳥  
題爲神鳥而鸞爲神雀

避諱過甚南史王琨避諱過甚父懌母名

恭心不得犯焉時  
咸謂矯枉過正

音同字異

唐書賈曾除中書舍人固辭以父忠字同音議

者以爲中書是曹司名又與曾父  
音同字異於禮無嫌曾乃就職

聞諱必哭

顏氏家訓曰近

世謝舉甚有聲譽聞  
諱必哭爲世所譏

名可無諱

徐邈表不諱太子名義興太守褚爽上表

稱皇太子名尚書下之禮官議其可否禮官議曰禮記  
曰夫人之諱雖質之君前臣不諱也案夫人國之小君  
君之一體太子之母也而尚不諱則太子何嫌乎名又  
禮君前臣名又周公告文王皆稱武王名可無諱也

韓愈諱辨

唐李賀舉進士與賀爭名者毀之曰賀父名晉肅賀不舉進士爲是韓愈乃作諱辨

下官無諱

杜祁公帥并時門吏請家諱公曰下官無所諱但諱取枉法贓青箱記與包拯事同

原婦諱不出門

曲禮婦諱不出門鄭注云婦親遠於宮中言避之

內諱不

出外

語林王藍田作會稽主簿請諱答曰惟考四海所知內諱不出於外餘無所諱

君諱舉

則起

雜記過而舉君之諱則起鄭注云舉猶言也起者失言而變也與君諱同則稱字

妻諱

不舉側

雜記母之諱宮中諱妻之諱不舉諸其側與從祖昆弟同名則諱

爲尊者諱

爲親者諱

公羊傳云齊仲孫來仲孫者公子慶父也謂之齊仲孫繫之齊外之也昌爲外之春秋爲

尊者諱爲親者諱爲賢者諱何休注曰尊者諱爲閔公受賊人也親者諱爲季子親親而受之故諱也爲賢者

諱以季子有昌牙不殺慶父之賢故爲諱之

詩書不諱臨文不諱

曲禮詩書不諱

廟中不諱臨文不諱鄭注云爲其失事正有事於高祖則不諱曾祖以下尊無二也於下則諱上

凡

祭不諱 教學不諱

忌日

原終身之喪

祭義云君子有終身之喪忌日之謂也忌日不用非不祥也言夫曰志有所至而不

敢盡其私也鄭注云忌日親亡之日不用舉他事如有時日之禁也志有所至至於親以此日亡其哀心如喪

時

終身之憂

檀弓云君子有終身之憂故忌日不樂鄭注云謂死日言忌日不用舉吉事

季節辭酒

孔叢子云季節見於子順子順賜之酒辭問其故對曰今日家之忌日也故不敢飲

子順曰飲也禮雖服衰麻見於君及先生與之梁肉無辭所以敬尊長而不敢遂其私也忌日方於有服則輕

矣

子龍不食

續漢書申屠蟠字子龍九歲喪父哀毀過禮服除不進酒肉十餘年每忌日哀

戚輒三日不食

**桓玄絳觴**

語林云桓玄不立忌日絳觴無廢

**王修哀感**

孝子

傳云王修年七歲喪母母以社日亡來

**增忌不聽樂**

年社日修哀感悲號鄰人爲之罷社

世說云王世將忌日送客新亭主人

**不知禮意**

顏氏家訓

欲作樂王便往衛洗馬墓下彈鳥

禮云忌日不樂正以感慕間極惻愴無聊故不接外賓

不理衆務爾必能悲慘自居何限於深藏也世人或端

坐與室不妨言笑盛營甘美厚供齊食迫有急

**嫁筭**

卒密戚至交盡無相見之理蓋不知禮意乎

**墨哀**

談錄云宋丁晉公言嘗見文中孺侍郎言中孺嘗聞祖母當日于歸時于衣笥中得一墨哀妯娌骨

肉皆驚駭而詰之答曰父母教以候翁姑私忌日著

此衣出慰當時士族之家猶有此禮今未之聞也

**黻黑衫巾**

語錄朱文公母夫人忌日著黻黑布衫其巾亦然學者問今日服色何謂公曰豈不聞禮

君子有終  
身之喪

# 葬一

原釋名曰葬不如禮曰埋埋瘞也不得埋曰棄不得其  
尸曰捐葬下棺曰窆白虎通曰祖載者始載於庭乘  
輜車辭祖禰故曰祖載釋名曰從前引曰紼紼發也發  
車使行也禮記曰葬也者藏也藏也者欲人弗得見  
也禮記曰君葬用輅四綽二碑御棺用羽葆大夫葬  
用輅二綽二碑御棺用茅士葬用車二綽無碑左傳

曰天子七月而葬同軌畢至諸侯五月同盟至大夫三月同位至士踰月外姻至杜預要集曰凡挽天子六綍諸侯四大夫三士二增相冢書曰天子葬高山諸侯葬連岡庶人葬平地

葬二

增尚書周公在豐將沒欲葬成周周公薨成王葬於畢原禮記檀弓上曰太公封於營丘比及五世皆反葬於周君子曰樂樂其所自生禮不忘其本古之人有言



曰狐死正丘首仁也 增孔子之喪有自燕來觀者舍  
于子夏氏子夏曰聖人之葬人與人之葬聖人也子何  
觀焉 成子高曰生而無益于人吾何以死害于人乎  
我死則擇不食之地而葬我焉 左傳曰公將如棠觀

魚者臧僖伯諫不從冬臧僖伯卒葬之加一等 又曰

元年冬十月改葬惠公惠公之薨也有宋師太子少葬  
故有闕是以改葬 又曰叔孫卒杜洩將以路葬且盡  
卿禮南遺謂季孫曰叔孫未乘路葬焉用之且冢卿無

路介卿以葬不亦左乎 又曰鄭簡公卒將爲葬除及

游氏之廟于產使辟之司墓之室有當道者于太叔請

毀之子產弗毀 原吳越春秋曰吳王闔閭有女自殺

闔閭痛之甚葬於闔門外鑿地爲池積土爲山文石爲

棺樽金鼎玉杯銀罇珠襦之寶皆以送女乃舞白鶴於

吳市中令萬民隨觀還使男女與鶴俱入羨門因塞之

殺生以送死國人非之 吳謀伐齊齊景公使女子爲

質於吳吳王因爲太子聘齊女齊女少思齊日夜哭泣

發病闔閭乃起北門名曰齊門令女往游其上女思不止病日益甚至女且死女曰令死有知必葬海虞山之顛以望齊國闔閭傷之甚用其言葬於虞山之嶺是時太子亦病而死 增說苑曰蓋聞相梁并衛有罪而走齊管仲迎而問曰吾子相梁并衛之時門下使者幾何人曰門下使者三千餘人管仲曰今與幾何人來曰臣與三人俱曰是何對曰其一人父死無以葬我爲葬一人母死無以葬亦爲葬之一人兄有獄我爲出之是以

得三人來 戰國策曰秦宣太后愛魏餘病且死令曰

我死必以魏子爲殉庸芮爲之說后曰以死者爲有知  
乎曰無知芮曰何乃空以生之所愛殉無知之死人哉  
若死者有知先王之積怒久矣太后救過不暇何得私  
魏子乎太后乃止 漢書曰張良始所見下邳圯上老  
父與書者後十三歲從高帝過濟北果得穀城山下黃  
石取而寶祠之及良死并葬黃石每上冢伏臘祠黃石  
金日磾薨賜葬冢地送以輕車介士謚曰敬侯 朱

邑將死囑其子曰我故爲桐鄉吏其民愛我必葬桐鄉  
後世子孫奉我不如桐鄉民及死其子葬之桐鄉西郭  
外民果爲邑起冢立祠歲祠祭至今不絕 後漢書曰

孔僖拜臨晉令卒官遺令即葬二子長彥並十餘歲蒲  
坂令許君然勸令反魯對曰今載柩而歸則違父命舍  
墓而去心所不忍遂留華陰 東觀漢記曰光武發薊  
還士衆喜樂鼓聲歌詠八荒震動過范陽命諸將收葬  
吏士 又東平王蒼葬章帝方詔有司加賜鸞輅乘馬

龍旂九旒虎賁百人 又東海王疆薨帝追念疆雅性

恭儉不欲令厚葬以違其意詔中常侍杜岑東海相傳

曰王恭謙好禮以德自終敕官屬遣送務行約省茅車

瓦噐以成王志 王丹閭里有喪憂輒度其資用教之

儉約因爲其制日定葬其親喪不過留殯一月其下以

輕重爲差 後漢書曰馬援卒後有人上書譖之者援

妻孥惶怖不敢以喪還舊塋裁買城西數畝地槩葬凡

賓客故人莫敢弔會援妻子上書訴寃然後得葬 又

曰范丹遺敕其子斂畢便穿穿畢便埋墳封高下令廷  
自隱知我心者李子堅王子炳也今皆不在制之在爾  
勿令鄉人宗親有所加也 樊宏卒遺敕薄葬一無所  
用以爲棺槨一藏不宜復見如有腐敗傷孝子之心使  
與夫人同墳異藏帝善其令以書示百官因曰今不順  
壽張侯意無以彰其德且吾萬歲之後欲以爲式 桓  
榮疾病帝親幸其家問起居榮卒帝親自變服臨喪送  
葬賜冢塋于首山之陽 桓子新論曰揚子雲爲郎居

長安素貧比歲亡其兩男哀痛之皆持歸葬於蜀以此  
困乏雄察達聖道明于死生宜不下季札然而慕怨死  
子不能以義割恩自令多費而致困貧 原王符潛夫  
論曰文帝葬于芒碭明帝葬于洛南皆不藏珠寶不起  
山陵今京師貴戚郡縣豪家生不極養死乃崇喪造起  
大冢廣樹松柏廬舍祠堂務崇侈僭此無益于奉終無  
增于孝行徒作煩擾傷害吏民今案畢高之郊無文武  
之陵南城之東無曾皙之墓周公非不忠曾子非不孝



也 增錄異傳曰袁安葬其母逢三書生語其葬地遂

至四世三公 魏略曰郝昭字伯通病亡遺令戒其子

凱曰吾爲將數發冢取其木以爲攻戰具知厚葬無益  
于死者也今去本墓遠東西南北在汝而已 裴潛薨

贈太常子秀嗣遺令墓中唯置一坐瓦器數枚其餘一

無所設也 晉書曰魏舒三取妻皆先亡是歲自表乞

假還本郡葬妻上曰舒素清貧不營財產頓舉衆喪必

無以自供其賜葬地一頃錢五十萬 徐苗以永寧三

年春亡遺令濯內巾澣衣榆棺雜塲露車載柩葦席瓦  
器而葬 晉書石苞以泰始八年薨預爲終制曰延陵  
薄葬孔子以爲達禮華元厚葬春秋以爲不臣古之明  
義也自今死亡者皆斂以時服不得兼重又不設床帳  
明器窆後復土滿坎不得起墳種樹 庾峻遺敕子珉  
曰朝卒暮殯幅巾布衣葬不擇日珉奉遺命殮以時服  
晉中興書曰劉麟之少有信義去家百餘里有一獨  
嫗病將死歎息謂人曰誰當埋我唯有劉長史耳麟之

先聞有病故徃候之值其命終乃身爲治棺殯送

蘇

韶安平人也爲中年令第九子名節晝日見韶入乘馬  
介黃練衣曰吾欲改葬乃爲書授節曰吾性好愛京洛  
每徃來瞻覩芒山上樂哉此萬代之基也北背孟津洋  
洋之河南望天邑濟濟之盛此志雖未言銘之于心不  
圖奄忽所懷未果前至十月可速改葬買數畝地便自  
足矣王尊薨詔給九旒輜輶車黃屋左纛前後羽葆  
鼓吹挽歌兩部虎賁班劍百人中興名臣莫與爲比也

溫嶠葬豫章朝議以嶠首受顧命功濟社稷宜還陪陵官爲起冢太尉侶上疏停其移葬詔從之 崔鴻後

燕錄曰趙秩朝歌人也輕財好施鄰人李元度母死家貧無以葬秩謂其兄曰赴死救不足仁之本也家有二牛以一牛與之度得以葬他年秩夜行見一老母遺秩金一瓶曰子能葬我是以相報子五十已後當富貴不可言勿忘元度也 宋書曰謝方明父冲爲孫恩所殺伯父邈守吳興又爲孫恩黨害之方明體素羸弱而勇

決過人結邈門生討其黨悉擒手刃之時亂後吉凶禮廢方明合門遇禍資產無遺而營舉之功盡力數月葬送並畢平世備禮無以加也 南史曰王思遠少無仕

心宋建平王景素辟南徐州主簿深見禮遇景素被誅左右離散思遠親視殯葬手種松柏與廬江何昌寓沛郡劉璉上表理之 宋書曰王徽終遺令薄葬不設輜旒鼓挽之屬施五尺床爲靈二宿便毀 吳達吳興烏程人經荒饑繼以疾病父母兄弟嫂及羣從小功之親

男女死者十三人唯達夫婦獲全家徙四壁立冬無被  
袴晝則傭賃夜則伐木燒磚妻亦同達此誠暮年中成  
七墓十三棺 南史曰顧憲之仕齊爲衡陽內史先是  
郡境連歲疾疫死者大半棺槨尤貴悉裹以葦席棄之  
路旁憲之下車分告屬縣求其親黨悉令殯葬其家人  
絕滅者憲之出公祿使綱紀營護之又土人有病輒云  
先亡爲禍皆開冢剖棺水洗枯骨名爲除祟憲之曉諭  
爲陳生死之別事不相由其俗遂改 王儉領中書監

參掌選事其年疾上親視薨年三十八詔衛軍文武及  
臺所給兵仗悉停待葬又詔追贈太尉加羽葆鼓吹增  
班劔爲六十人葬禮依太宰文簡公褚彥回故事 梁  
書曰到溉臨終託子孫薄葬曰氣絕便斂以法服斂竟  
便葬不須擇日凶事心存約儉孫侄不得違言便屏家  
人請僧講經噴咀及卒顏色如恒手屈二指即佛道所  
云得果也 顧憲之臨終爲制敕其子曰莊周澹臺達  
生者也王孫士女矯俗者也吾進不及達退無所矯中

都之制允理愜情 崔鴻三十國春秋夏錄曰赫連昌

父勃北游契吳昇高而歎曰美哉斯阜臨廣澤而帶清流吾行地多矣未有若斯之美昌以勃平昔之意也故

葬勃于城西十五里起行宮模寫統萬宮殿飾以金銀

珠璣葬訖焚之 唐書曰貞觀十年葬文德皇后于昭

陵因山爲墳不封不樹太宗懲秦漢已來厚葬以致發

掘因序平生之志刻于石以誡將來 高宗以頻年飢

儉召雍州長史李議琛謂曰庶人之徒商賈雜類競爲



厚葬違越禮度雍州列郡之首四方取則卿爲嚴禁勿  
復使然也 明皇因拜橋陵至金粟山覩岡巒有龍盤  
虎翥之勢謂左右曰吾千秋後宜葬此地羣臣乃追先  
旨築陵此山曰泰陵 蘇頲葬上游咸宜宮將出獵聞  
頲喪出愴然曰蘇頲今日葬吾寧忍娛游遂還宮 西  
京雜記曰杜子春葬長安北四里臨終作文曰魏郡杜  
鄴立身忠義犬馬未陳奄先草木骨肉歸于土魂氣則  
無所不之何必故丘然後即化封長安北郭此焉安息

及死命刊石埋墓前 陳留風俗傳曰沛公起兵野戰

喪皇妣于黃鄉天下平定使使者以梓宮招魂幽野于

是有丹蛇在水自洒濯入于梓宮其浴處有遺髮謚曰

昭靈夫人 杜祭酒別傳曰君年五十二當其終亡安

厝先塋帛布輜車喪儀儉約執引者皆三吳令望及北

人賢流 虞氏家記曰潭母太夫人薨宜都府君即世

五十九載改殯修構窀穸靈柩佳而莫前羣從咸以喪

事有往無反不應遷移潭以昔文王之葬王季即定而

洪水出截冢棺槨文王乃設張屋出柩三日羣臣臨之  
然後葬此則上聖之遺令載在篇籍遂奉遷神柩權停  
幕屋使子孫展哀晨夕宗族相臨允合張屋之儀也天  
子給太夫人徘徊車謁者送喪禮儀光備合葬于舊壙  
襄陽耆舊傳曰岷山南有習家魚池者習郁之所作  
也郁將亡敕其兒煥曰我葬必近魚池煥爲起冢于池  
之北近池四十步續搜神記曰干寶字令升新蔡人  
其父有嬖妾母至妬寶父葬時因推著藏中終十年而

母喪開墓見棺妾伏棺上衣服如生就之猶暖漸漸有  
氣息輿歸竟日乃蘇云父嘗與之寢接恩情如生在家  
中 范晏陰德傳曰陳翼字春卿廬江舒人也行到縣  
郭見道上馬傍有病臥人乃長安魏公卿扶與俱到家  
養視積日既公卿謂翼曰馬上有金十餘餅素二十疋  
可賣殮餘以相謝言絕而亡翼賣素買衣衾殮殮之葬  
埋高壁之地以金置棺下公卿兄公長見乘馬謂必殺  
公卿陰告官收翼翼具以狀對公長迎喪發棺下得金

如數叩頭謝以金投其門中翼送長安還之 汝南先  
賢傳曰素宏字夏甫延熹中黨事將作遂散髮自築土  
室四周潛身十八年終于土室之中臨卒敕其子曰勿  
設殯棺衾之備也但著禪衣衫疎布單衣幅巾襯尸  
于板床上五百塹爲藏 張諛字彥承上虞人也與同  
鄉丁孝正相親葬送過制諛書難之曰吾聞班固善楊  
孫之省葬惡始皇之飭終夫保以矯世君子弗爲若乃  
據周公之定品依延州而成事取中庸以建基獲美稱

于當世不亦宜哉

謝夷吾轉下邳預自剋死日如期

果卒敕其子曰漢末當有發冢露體之禍使縣棺下葬

墓不起墳 譙周三巴記曰巴國有亂巴國將軍曼子

請師于楚楚人與師曼子已平巴國既而楚遣使請城

曼子曰吾誠許子之君矣持頭往謝楚王城不可得乃

自刎以頭與楚使楚子歎曰吾得臣若巴曼子何以城

爲乃以上卿禮葬曼子頭巴國葬其身亦然 皇覽曰

舊漢家之葬方中百步穿築方域其中開道凡施六馬

發三河三輔近郡卒徒十萬數復土姚信士緯曰蓋葬于寬平則恐後世都邑居之葬于陵野則恐民人耕稼及之厚槨大棺人所爲用下一寡材木民人率多發掘以善其居千墳萬壙無不毀者其惟瓦薄棺葬斂以時服依于高丘徹于深窆庶乎可以不辱耳世說曰晉明帝聞郭璞爲人葬微服往看因問曰何以葬龍角此當滅族主人答曰郭景純云此是龍耳三年之內當致天子帝復問曰出天子耶答曰非出天子特招致天子

耳 博物志曰澹臺子羽渡水而子溺死人將葬之滅  
明曰此命也吾豈與螻蟻爲侶魚鼈爲讎于是遂以水  
葬之 又曰漢滕公夏侯嬰死公卿送葬至東郭門外  
四馬不行拊地悲鳴即掘馬蹄下得石椁其銘曰佳城  
鬱鬱三千年見白日吁嗟滕公居此室乃葬其地故謂  
之馬冢 又曰河內淇園張公老而無子貲財累億求  
沒入官葬園中于今供祀犧牲 豫章記曰許子將墓  
在郡四里昔子將以中國大亂遠來渡江隨劉繇而卒



藏于閭門裏于時漢興平二年也吳天紀中太守沈季  
白日于聽事上坐忽然如夢見一人著黃單衣黃巾稱  
汝南羊與許子將求改葬因忽不見即求其喪不知處  
所遂招魂葬之命文學施遐爲招魂文 越地傳曰禹  
井井者法也以爲禹葬以度不煩人衆 述征記曰荀  
氏葬在彭城東岸有一丘民俗謂之荀氏葬或云斯則  
徐偃葬后倉者也古徐國宮人娠而生卵棄之水濱有  
犬名后倉御而歸伏而成人遂爲徐之嗣君純筋無骨

號曰偃王偃王躬行仁義衆國附之得朱弓之瑞周穆王命楚滅之后倉將死生角九尾實黃龍也 鄧德明

南康記曰陽道士葬巖石室元嘉中道士過世臨終語弟子等可送吾置彼石室巾褐香爐此外無所須也及其亡日謹奉遺命葬經數年尸猶儼然巾葛覆之如初弗朽後忽不復見今舟行者過其山渚尚聞香氣咸異焉 華陽國志曰德陽縣有青石祠山源沃美有澤原之利士女多貞孝車騎將軍鄧芝方之鄧林有終焉之

志沒遂葬其山

葬三

原金鳧

玉匣

三輔故事曰秦始皇葬驪山起墳高五十丈下周三泉周迴七百步以明月珠

爲日月人魚膏爲燈燭水銀爲大海金銀爲鳧雁西京雜記曰漢帝及侯王送葬者皆珠襦玉匣形如鎧甲

連以金縷匣上皆鏤以蛟龍鸞鳳龜麟之象時謂蛟龍玉匣

防山

藥水

史記曰魯襄公

二十年而孔子生生而叔梁紇死葬于防山在魯東由是孔子疑其父墓處呂氏春秋曰昔王季歷葬于渦水之尾樂水鬻其墓見棺之前和文王曰嘻先君必欲一見羣臣百姓也天故使樂水見之于是出而爲之張朝百姓皆見之

樹碑

開隧

周裴汝南先賢傳曰周燕字少卿爲決曹掾平因罪不當死太

守劉虔欲殺之燕犯顏諫至于九復虔怒竟殺之後死者家人有書稱冤使覆考虔見燕曰太守相負燕一日引私隱陷人之罪傳詣長安當下蠶室未至燕乃慷慨絕命由是葬王城之隱樹碑以旌其葬

二

玉棺

石槨

上詳棺槨下詳葬二

魚燈

龍匣

上詳金鳧下詳

玉匣

北邙

南嶺

西京雜記曰安定高真善算術成帝時真嘗自算其年七十三至期

果死又曰北邙青隴上孤櫓之西四丈所鑿之七尺吾葬地也真死依言往掘得古時空槨即以葬焉又曰

曹敞在吳章門下章後見殺人無敢收葬者敞稱章弟子收葬其尸平陵人爲立碑于吳章葬側章葬于龍首

山南

北首

西門

禮葬于北方北首三代之達禮也傳葬鮮者自西門注不以壽終

爲鮮西門非正門也

旌車

羽蓋

傳暢晉公卿禮秩曰特進薨遣謁者監護軍喪事賜東園

祕器五時朝服各一具衣一襲給青徘徊赤耳車挽歌  
四十人方相車建七旒車銘旌車 丁孚漢官儀曰孝

靈皇帝葬馬貴人贈步 飾輅 設旒 禮記曰其輅有  
揺赤綴青羽蓋駟馬也

錦以爲屋而行鄭玄曰輅載輅將殯之車飾也 又曰  
孔子之喪公西赤爲志焉飾棺墻置翬設披周也設崇

殷也綢練 朱器 畫棺 並見 施玉匣 埋珍寶 呂  
設旒夏也

春秋曰含珠鱗施今葬皆用之注曰含珠口實鱗施施  
玉匣于死者之體如魚鱗 埋珍寶注見上葬二潛夫

論 止柩就道 止哭聽變 禮記曾子問曰葬引至于  
柩日有食之則有變且不

行乎孔子曰昔吾從老聃助葬于巷黨及柩日有食之  
老聃曰丘止柩就道右止哭以聽變既明反而後行曰

禮也鄭玄注曰柩 下不及泉 上無通臭 墨子曰古  
道也變謂異禮也

爲葬埋之法桐棺三寸足以朽體衣衾三領足以覆惡  
昔者堯北教乎八狄道死葬翬山之陰衣衾三領穀木  
之棺葛以緘之既訖而後哭滿指無封已葬而牛馬乘  
之舜西教乎七戎道死葬南已之市衣衾三領穀木之  
棺葛以緘之已葬而市人乘之禹東教乎九夷道死葬  
會稽之山衣衾三領桐棺三寸葛以緘之絞之不合道  
之不埒土地之深下不及泉上無通臭既葬收餘壤其  
上壟若參耕之畝取止矣三王豈財用不足哉以爲葬  
埋之

### 藉以黃壤

### 葬以土藏

後漢書曰趙咨將終告其故吏朱祗蕭建等曰

薄斂素棺藉以黃壤欲令速朽且歸后土不聽子孫改  
之楚國先賢傳曰韓暨終遺言曰夫俗奢易之以儉  
儉則節之以禮若曹敬聽吾言儉以時服  
葬以土藏穿畢便葬送以瓦器勿有增益

### 四馬不行

### 大鳥徐步

上詳冢墓

華嶠後漢書曰楊震為太尉中常侍樊豐驕恣震常切諫由是共譖震

罷遣歸本郡遂仰鵠薨葬日有大鳥來止停樹上須臾下地行徐步到柩前止立低頭淚出更共抱持終不驚駭

## 葬四

原即遠

檀弓子游曰飯于牖下祖于庭葬于墓所以即遠也故葬事有進而無退

反真

漢書

楊王孫傳王孫學黃老之術家業千金厚自奉養生亡所不致及病且終先令其子曰吾欲羸葬以反吾真必毋易吾意死則爲布囊盛屍入地七尺既下從足引脫其囊以身親土

送形

送形而往謂葬

埋神

晉東海王越尸爲石勒所焚妃裴氏求招魂而葬朝廷疑之素環議以爲招魂而葬此所謂埋神也

不可

從死

禮葬從死者謂葬禮父爲大夫祭以士

稱財

子路曰傷

哉貧也生無以為養死無以為禮也子曰斂手足形還葬而無槨稱其財斯之謂禮注還葬者不待日月也

卜兆 孝經曰卜其宅兆而安厝之鄭注曰宅墓穴也兆塋域也葬事大故必卜之 筮冢

儀禮既夕筮宅冢人物土鄭注云 同穴 詩死則異物相也相其地可葬者乃營之

藏 後漢樊重遺令使與請具 子柳之母死子碩請具其吏人同墳而異藏 子柳曰何以哉子碩曰

請鬻庶弟之母葬子柳曰何 裏事 左傳葬定公雨不驚人之母以葬其母不可也 克裏事禮也注裏

成也成其 賜塋 後漢太尉楊秉請隧 晉侯請隧注葬事也 薨賜塋陪陵 隧塋堦道天子

之禮也諸侯 起墳 漢太師孔光薨賜祕器載以乘懸棺而封 輶輶起墳如大將軍制度也

遣車 有若曰晏子一狐裘三十年遣車一乘及墓而反晏子焉知禮注遣車載牲者禮大夫五乘而晏子



一乘言  
偈下也

**給轎**

成詔水所厭死者給轎葬  
廣柳車注廣柳車葬車也

**靈輅**  
葬車

**方相**

蔡質漢官儀曰陰  
太后葬前有方相

**地藏**

謂葬也

**壽藏**

後漢趙岐  
將卒先爲

壽藏圖季札子產晏嬰叔向四賢像  
于賓位畫已像于主位皆爲之贊

**增柳翼**

飾棺牆  
置翼注

牆柳水又云絞余設柳翼注絞余尸之飾柳翼棺之牆  
飾翼以木爲筐廣三尺高二尺四寸方兩角衣以帛畫

雲氣柄長五尺車行使人持而從既穴之立于  
擴中飾棺者以華道路不欲使人惡其親也 **帷荒**

飾棺君龍帷黼荒大夫畫帷畫在旁曰帷在上曰荒皆  
所以衣柳也士布帷布荒者白衣也若大夫則加文章

焉

**原貶禮**

禮大夫廢其事終身不仕  
死以士禮葬之注貶之也

**行志**

漢符融  
妻卒貧

無以葬鄉人助之融曰古之葬者衣  
以薪葬之中野唯妻子得行其志

**訟柩**

沛國劉仲  
武娶丹丘

氏生子正舒正則後出妻而不絕更妻王氏生  
陶後皆卒正舒求耐葬陶不許陶訟至死不得

**禁遷**

周禮媒氏禁遷葬者與嫁殤者注遷葬者謂生時非夫  
婦死既葬遷使相合從也殤謂十九以下未嫁而死生

不以禮相接而合是亂人倫也鄭司農  
云嫁殤者謂嫁死人今時娶會是也

**周土**

守太山望

終于家遺言以身服斂  
棺周于身土周于棺也

**聚沙**

趙岐字邵卿遺令子曰  
墓中聚沙爲床布簟白

木散髮其上覆以  
單被即日便下

**配殤**

曹操事

**殉妾**

魏武子有嬖  
妾武子有疾

命子顓曰必嫁是疾病則曰必以殉及卒顓嫁之曰疾  
病則亂我從其治也後與秦戰于輔氏顓見老人結草

以亢杜回杜回躓而顓顓遂獲杜回夜夢人曰子  
爾所嫁婦人之父也爾用先人治命予是以報也

**增**

**葬妻**

季子皋葬妻犯人之未申祥請更之于皋曰孟氏  
不以是罪予朋友不以是棄予以吾爲邑長買道

而葬後  
難繼也

**葬子**

檀弓延陵季子適齊于其反也其長子死葬于贏博之間孔子曰季子吳之習

于禮者也往而觀其葬焉其坎深不至于泉其斂以時服既葬而封廣輪掩坎其高可隱也既封左袒右還其封且號者三曰骨肉復歸于土命也若魂氣則無不之也而遂行孔子曰季子之于禮也其合矣乎

原

**營高敞**

韓信母喪無以葬乃行營高敞地令旁可置萬家

**務速朽**

張霸字伯饒蜀人也

爲魯稽守病革臨卒敕子曰令蜀道阻不可歸塋可止葬務遵速朽遂葬河南固家焉

以鼓封

爲縱舍  
節禮也

**以機封**

李康子之母死公輸般請以機封將從之肩假曰不可夫魯有初公室視

豐碑三家視桓楹爾以人之母嘗巧則豈不得以其母以嘗巧者乎則病者乎

以幅巾

漢張

桓文儉非王孫  
以幅巾葬曰奢非

**用葛菲**

葬敬嬴早無麻始用葛菲

**紀市**

呂氏春秋

舜葬紀市不變其肆注云市肆如故言不煩民也傳曰舜葬蒼梧九疑之山此云于紀市九疑山下亦有紀邑

**會稽**

又曰禹葬于會稽不變人徒注云變動也言無所興造不擾民也會稽山在會稽山陰縣南

**泗上**

葬夫子于泗水之上其樹若偃斧

**杜中**

皇覽曰文王武王周公冢皆在京兆長安

**鎬聚東**

**藍田**

漢書臨江閔王榮以孝景前四年爲皇太子四歲廢爲臨江王三歲坐侵廟壩

**杜中**

地爲宮上徵榮榮詣中尉府對簿中尉郅都責訊王恐自殺葬藍田燕數萬銜土置冢上百姓憐之

**武庫**

劉向疏云樗里子葬于武庫按史記樗里子傳曰樗里子卒葬于渭南章臺之東曰後百年當有天

子夾我墓至漢興長樂宮在其東未央宮在其西武庫正直其墓秦人諺曰力則任鄙智則樗里

**城**

**東**

風俗通詳棺槨

**鄴西**

趙錄曰石勒事佛圖澄號曰大和尚道法大行終于建武末葬于鄴西

合公主

衛青與平陽公主合葬冢象廬山

近神人

魏略田豫戒子曰葬我于西門

豹邊妻子曰豹古之神人那可葬其邊曰豹履行與我適等死而有靈當與我善也妻子從之

近要

離後漢書梁鴻字伯鸞扶風人也隱居至吳依大家皋伯通居廡下爲人賃舂每歸妻爲具食不敢于鴻前

仰視舉案齊眉伯通察而異之曰彼傭能使其妻敬之如此非凡人也乃舍之于家鴻潛閉戶著書十餘篇疾

且困告主人曰昔延陵季子葬于贏博之間不歸鄉里慎勿令吾子持喪歸去及卒伯通等爲求葬地于吳要

離冢旁咸曰要離烈士伯鸞清高可令相近葬畢妻子歸扶風

從蘧瑗

魏志中山恭王哀傳哀疾

困敕令官屬曰昔衛大夫蘧瑗葬濮陽吾望其墓常想其遺風願託賢靈以弊髮齒營吾兆域必往從之

妻養疾

禮陳子車死于衛其妻與其家大夫謀以殉葬子乃告陳子亢曰夫子疾莫養于下請以殉葬子

亢曰殉葬非禮也雖然則彼疾當養者孰若妻與

婢

夾尸

陳乾昔寢疾屬其兄弟而命其子尊已曰如我死

非禮也况又同棺乎不果殺

附先塋

唐文張曲江丁

注云善其不陷父于不善也

葬書生

王怵路行過書生

庭塋素鳩紫芝巢植廬壠

請歸葬

傳穆伯

我腰下有金取之鬻以葬我未及問

姓名而絕怵賣金葬之餘金亦埋之

請歸葬

不許惠叔猶毀以爲請乃許之注謂歸以卿禮

葬魯不許也惠叔穆伯子代居位過喪禮以請父葬父

卒逾年猶毀

議合葬

王式繼母前夫終更適式父式

故曰猶也

有繼子死遂合葬式父臨終求于式式許之中丞下壺

奏議式父臨終謬亂云云不可寄命他人之門埋尸于

無名之冢  
爲繼世也

日月有期

公叔文子詳謚二

天地爲棺

見前莊子

各銘其官

杜預喪服要記云始死葬銘凡卿大夫士各以其官婦人則書姓名

夾道爲

位

檀弓國昭子之母死問于子張曰葬及墓男子婦人安位子張曰司徒敬子之喪夫子相男子西鄉婦人

東鄉鄭注云  
夾美道爲位

熊皮四目

周禮方相氏見前

蟻結四隅

檀弓云楮

幕丹質蟻結于四隅鄭注云以丹布幕爲楮葬覆棺不槨不翼畫楮之四角其文如蟻行往來相交錯蟻蚍蜉

也殷之蟻結似今蛇文畫

葬曰大雪

國策魏惠王死葬有日矣天大雨雪至于牛目壞城郭且

爲棧道而葬羣臣多諫太子者雪甚如此而喪行民必甚病之官費又恐不給請弛期更曰

葬曰

大雨

後漢書董卓傳詳棺槨

不爲雨止

王制葬不爲雨止鄭注云以其禮儀少也

不避塗潦

曲禮云送喪不由塗潦

先輕後重

父母之喪偕先葬者不虞

祔待後事注葬先輕後重葬畢辭賓遂修葬事

衛離魯合

子曰衛人之祔也離之魯人之祔也

合之善夫注祔合葬也合謂棺中無間也

三妃未從

舜葬于蒼梧之野三妃未之從也注古者

不合

周公蓋祔

季武子曰周公蓋祔注合葬也

祔不改卜

祔葬者不筮宅

謂祔先塋不改卜墓也

先不虞祔

詳先輕後重注

反葬于周

太公詳葬二

合葬于防

又云孔子少孤不知其墓問于耶曼父之母然後合葬于防

願得父

墓

韋賢葬陪陵昭帝時從平陵元成徙杜陵病且死因使者曰不勝父子情願得葬父墓上許焉

招

合夫魂

後漢鄧晨娶世祖姊新野公主遇害後晨卒詔令招公主魂與晨合葬也

門人欲



厚

顏淵死門人欲厚葬之子曰不可

漢帝令薄

漢文令薄葬又光武詔曰曾子竭歡致養

仲尼葬子有棺無槨其令天下薄葬

藏于西階

檀弓季武子成寢杜氏之葬在西階之下請合

葬焉武子曰合葬非古也

兆在路寢

晏子春秋景公成路寢之臺逢

自周公以來未之有改也

于何遭喪遇晏子于途再拜乎馬前晏子下車揖之曰子何以命嬰也對曰于何之母死兆在路寢之臺牖下

願請命合骨晏子入白公公作色曰自古及今夫子亦嘗聞請合葬人主之宮者乎對曰古之人君不奪生人

之居不殘死人之墓故未嘗聞諸葬人主之宮也且嬰

聞之生者不得安命之曰畜憂死者不得葬命之曰畜

哀畜憂者怨畜哀者危君不如許之公曰

增玉魚一

諾逢于何遂葬其母于路寢之臺牖下

雙

西京雜記高宗營大明宮每夜見數十騎行殿左右乃使術者劉明奴問故曰我漢楚王戊之太子王起

兵留我在長安王誅天子念我不殺養宮中死葬此天子憐我殮以玉魚一雙今在殿東北角乞改葬高敞無奪主魚發其處果然乃救以禮改葬玉魚隨之

### 金螭數斗

齊書始興王鎮蜀於州園地得古冢

金銀爲螭形者數斗詳發冢

### 佳城留篆

江南野史沈彬將八十近居阜上有一大樹可數拱

未殂前嘗指示家人曰吾死可葬于是既葬穴其處乃古冢爾觀其間儼然復見一古燈臺上有漆燈一盞壙頭獲一銅牌上有鐫篆文曰佳城今已開雖開不葬埋漆燈猶未薰留待沈彬來

### 巖腹得銘

廣記唐左衛將軍王果被責出爲雅州刺史于江中泊船仰見巖腹中有一棺臨空半出乃緣崖而觀之得銘曰欲墮不墮逢王果五百年重修我果歎曰吾合葬此今被責雅州固其命也乃收窆而去

### 逼城

而葬

晏子墓在臨淄慕容德登營丘望嬰冢顧謂左右曰禮大夫不逼城而葬平仲古之達禮者也而生

居近市死葬近城豈有意耶秀才晏謨對曰孔子稱臣  
先人之賢豈不知高其梁豐其禮蓋政在家門故儉以  
矯世生居湫隘沒指山爲葬孔帖李白至姑孰悅謝  
豈擇地而葬乎

東麓原勿歸鄉里謝承後漢書崔瑗爲濟北相光祿大  
夫杜喬爲八使徇行郡國以贓罪奏

瑗徵詣廷尉瑗上書自訟得理出會病卒臨終顧命子  
寔曰夫人稟天地之氣以生及其終也歸精于天還骨

于地何地不可藏形骸勿歸鄉里其賄贈之物不戀  
羊豕之奠一不得受寔奉遺令遂留葬洛陽

本土語林王太保有二兒喪一兒欲還舊塋一兒欲留  
太保乃垂涕曰不忘故鄉仁也不戀本土達也唯

仁與達吾不用棺槨盧植別傳植初平三年卒臨困  
二子有焉敕其子儉葬于山足不用棺槨

附體單不得封樹魏略沐德信年六十餘自慮無常  
帛而已預作終制誠其子曰以儉葬至嘉

欽定四庫全書御定淵鑑類函三

平中病甚臨困又教預掘塹塹誠氣絕今二人舉尸即塹  
絕哭泣之聲止婦女之送又誠後亡者不得入藏不得  
封樹妻子  
堯典一篇  
後漢書周磐傳磐年七十三歲  
皆遵之

二子曰吾昔者夢見先師東里先生與我講于陰堂之  
與既而長歎豈吾齒之盡乎若命終之日桐棺足以周  
身外槨足以周棺斂形懸封濯衣幅巾編二尺四寸簡  
寫堯典一篇并刀筆各一以置棺前示不忘聖道其月  
望日無病忽終學  
老子兩卷  
虞翻別傳翻遺令儉葬  
者以爲知命焉

德而  
溫嶠辭官  
晉禮志建武元年以溫嶠爲散騎常  
侍嶠以母亡值寇不得葬不拜詔曰

于禮制物常使理可經通今桀逆未梟平陽道斷詔下  
議皆以嶠萬里投身赴闕廷無緣中辭王事宜如詔者  
也

子產依禮  
傳鄭簡公卒將葬子產使避  
司空之室君子謂之依禮  
良臣從

死史記秦穆公卒以子車氏三子奄息仲行鍼後宮

皆殉秦始皇葬時後宮無子宋公厚葬左傳宋文公卒厚葬用廬

炭益車馬始用殉重器備槨有四阿棺有翰旌君子謂華元樂舉于是

今二子君生則縱其惑死又益齊國厚葬韓非子云齊國好厚

葬布帛盡于衣衾材木盡于棺槨桓公告管仲曰布帛盡則無以爲幣材木盡則無以爲守備而人厚葬之不

休禁之奈何管仲對曰凡人之有爲也非名之則利之也于是乃下令曰棺槨過度戮其尸罪夫當喪者夫戮

死無名罪當喪者無孝經自隨皇甫謐篤終論云吾

利人何故爲之也親土或恐人情染俗來久頓革理難今故捕爲之制奢

不石槨儉不露形氣絕之後便即時服幅巾故衣以蘧

蔭果尸麻約二頭置尸床上擇不毛之地穿坑深十尺闊六尺長一丈五尺廣六尺舉床就坑去床下尸平生

之物皆無自隨惟齋孝經一卷示不忘孝道  
遽蔭果

尸上見  
葬洛陽城尉神記溫序字公次太原祁人任校

到洛陽城旁爲藥冢長子壽夢序告之  
葬海虞山詳

二  
增以報德羅士信齊州人初爲劉仁基所禮及東

死當墓其側  
可行志吳保安與郭仲翔善仲翔母葬

至是如其志  
今親歿可行其志乃行求保安于時保安以彭山丞客

死其妻亦歿喪不克歸仲翔爲服練經囊其骨徒跣負  
之歸葬魏州廬  
以儉自全晉杜預且死遺令言邢山  
墓三年而去  
下有冢云是鄭大夫祭仲

或云子產其隧道惟塞其後而空其前示藏無金玉不取于重深也山多美石不用必求水中自然之石以爲冢示不勞工巧而此石不入世用也將來以厚免禍兆域儀制取法鄭大夫吾欲以儉自全耳

趙槩聞見錄宋張侍中耆遺言厚葬晏丞相殊遺言薄葬二公俱在陽翟元祐中同爲盜所發侍中廣金玉犀珠充塞盜所得已不勝慰下近其棺皆列拜而去丞相擴中但瓦器數十盜怒不酬勞斷棺取金帶帶亦木也遂以斧碎其骨厚葬免禍薄葬致禍楊王孫之計疎也矣布車載柩唐魏徵陪葬

曰徵平生儉素今以一品禮葬羽儀甚盛非亡者之志悉辭不受竟以布車載柩無文采之飾夜葬

山谷爲棺行密卒遺令穀葛爲衣桐瓦葬勿歸冢楊震

曰不能誅患身死雜木爲棺布葬陶家側吳志鄭泉單蓋形勿歸冢勿設祭祀也

嗜酒臨卒謂同類曰必葬我陶家之側庶百歲之後化而爲土幸取爲壺實覆我心

勿起墳壟

晉王祥爲睢陵公疾篤遺令曰西邨土自堅貞勿甓石勿起墳壟耳

葬以幅巾後漢皇甫規遺

命曰地底冥冥長無晚期而復纏以纊綿牢以釘漆爲不喜耳幸有前宅朝殯夕下措尸靈床幅巾而已奢非

晉文儉非王孫推情從意庶無咎各諸子從之

葬于土穴

後漢盧植字子儉葬臨卒敕其子儉

于土穴不用棺槨

戒勿立碑

唐司勳致仕李建勳且死戒家人曰時事如此吾得良死幸矣

勿封土立碑聽人耕種于其上免無他日開發之標及江南之地諸貴人高大之冢無不發者惟建勳莫知其

處

特給轎車

韋亢歷職以清儉及終無以葬立宗聞之特給轎車

令給班劍

魏徵薨給羽葆鼓吹班劍四十人陪葬昭陵房玄齡薨給班劍羽葆鼓吹絹布二千段粟三千斛陪葬昭陵



詔給儀仗

太和初王承元祖母喪詔曰武陵當橫流時極定奔潰切在史官母李不幸贈卹宜

加厚且給儀仗以葬

命官建冢

唐劉昌節度涇原初城平涼當吐蕃却盟役將士骸骨不藏昌

命瘞之昌具以聞德宗下詔哀痛出衣數百稱官爲賽具斂以棺槨分建二冢大將曰旌義冢士曰懷忠冢于

淺水原詔學士爲銘

原管彥不歸葬

晉王褒與管彥許爲婚彥葬父洛陽褒更嫁其女謂

彥弟馥曰賢兄葬父洛陽則京邑人也非結好本意一詳悔婚

陳壽不歸葬

陳壽字承祚爲

治書御史母遺言葬洛陽壽乃遵其旨壽已西安漢人坐不以母歸葬貶

橐車載簑笠

禮儀

既夕鄭注云橐猶散也散車以田以鄙之車簑笠備雨服今橐橐爲潦凡道車橐車之纓轡及勒亦縣于衡也

道車載朝服

儀禮既夕鄭注云道車朝夕及燕出入之車朝服日視朝之服也玄衣素裳

擇不食之地

成子高語詳前葬二

擇不毛之地

皇甫謐篤終論詳前

下殤葬于園

曾子問曰下殤土周葬于園遂與機而往塗通故也鄭注云周人以夏后氏之塋周

葬下殤于園中以中央又以其去成人遠不就墓也機與尸之牀也

之以就園而斂葬焉塗近故耳

小兒葬于道

風俗通云葬小兒必于道邊者傷其人道未成

故置于道則使視成人之道也

未葬不除服

晉建武元年令曰久喪未葬唯喪主不除以他

故未葬人子之情可居殯而除無遠近之斷若亡過盜喪靈無處求索理絕固當三年而除不得從未葬之例

若殯于寇害無收殯之理亦宜三年

改葬舉下服

穀梁葬桓王傳曰改葬之禮總舉不緇注

總五服之最下者改葬舉最下之服以喪緇遠也

冬日冬服夏日夏服

韓子墨者

之葬也冬日冬服夏日夏服桐棺三寸執喪二日世主  
以爲儉而尤之儒者破家而葬賃子而償執喪三年毀  
而扶杖世主以爲孝而禮之

死陵葬陵死澤葬澤

淮南子禹之治天下大水禹身

執舂鍤當此之時死陵者葬陵死澤者葬澤節財薄葬焉

孝貴慎終

慎終追遠

葬宜

以禮

死葬之以禮

物既僣卑

謂用卑薄之物不中禮也僣墮類反

禮將偏

下求備去奢大葬禮葬昊天降凶遠日

協吉苟聞不度豈曰無違儉宜合禮孝不貶

親三良臨穴二婢同棺開白日之銘卜青鳥

之兆所宜薄以稱家安用厚而破產孝貴有終

豈宜不勉 華或非禮孰謂無違 法惟辨貴送死之  
禮有差 孝在慎終勿悔之心宜勉

葬五

原詩陳張正見和楊侯送素金紫葬詩曰黃泉開隧道  
白日照佳城一朝嗟此路千載幾傷情秋雨悲松色淒  
風咽挽聲歸雲向谷晚還柳背山輕唯當三五夜壟月  
暫時明 周庾信送吳法師葬詩曰龍泉今日掩石洞  
即時封玉匣摧談柄懸河落辯鋒香爐猶是柏塵尾更

成松郭門未十里山迴已數重尚聞香閣梵猶聽竹林  
鐘送客風塵擁寒郊霜露濃性靈如不滅神理定何從  
周王褒送觀寧侯葬詩曰丹旒書空位素帳設虛樽  
楚琴南操絕韓書舊說存西靡傷新樹東陵惜故園自  
憐悲谷影彌念王關門餘暉盡天末夕霧起山根平原  
看獨樹皋亭望列村寂寥還蓋靜荒茫歸路昏挽鐸已  
流唱童歌行自喧眷言千載後誰將遊九原又送劉  
中書葬詩曰昔別傷南浦今歸去北邙書生空託夢久

客每思鄉塞近邊雲黑塵昏野日黃陵谷俄遷變松柏  
易荒涼題銘無復迹何處驗龜長 唐太宗望送魏徵

葬詩曰閭闔總金鞍上林移玉輦野郊愴新別河橋非  
舊餞慘日映峰沈愁雲隨蓋轉哀笳時斷續悲旌乍舒  
卷望望情何極浪浪淚空泣無復昔時人芳春共誰遣  
增杜甫聞故相房公靈櫬自閬州啓殯歸葬東都詩  
曰遠聞房太尉歸葬陸渾山一德興王後孤魂久客間  
孔明多故事安石竟崇班他日嘉陵涕仍沾楚水還

又哭嚴僕射歸櫬詩曰素幔隨流水歸舟返舊京老親

知宿昔部曲異生平風送蛟龍雨天長驃騎營一哀三  
峽暮遺後見君情 又送盧十四護韋尚書櫬歸上都

詩曰素幔渡江遠朱幡登陸微悲鳴駟馬顧失涕萬人  
揮叅佐哭辭畢門闌誰送歸清霜洞庭葉故就別時飛  
原詔漢光武帝作壽陵詔曰古者帝王之葬皆陶人瓦  
器木車茅馬使後世之人不知其處太宗識終始之義  
景帝能遵述孝道遭天下反覆而霸陵獨完豈不美哉

今所制地不過二三頃無為山陵陂池裁令流水而已  
後漢書詔曰昔曾閔奉親竭歡致養仲尼葬子有棺  
無槨喪貴致哀禮存寧儉今百姓葬送之制競為奢靡  
生者無擔石而財力盡于墳土伏臘無糟糠而牲牢兼  
于一奠靡破積代之業以供朝夕之費豈孝之意哉有  
司具申明科禁宣下郡國 晉武帝賜劉廙葬錢詔曰  
故侍中劉廙以清識明鑒有聲前代昔宣皇帝接以師  
友之恩廙墓為盜賊所發甚用惻然其子阜素甚清貧



今當殯葬其給輜車銘旌賜錢給作藏人功 晉賜王  
沉葬錢地詔曰故驃騎將軍王沉忠允篤誠執德弘毅  
外清方夏內熙衮職歷位著稱厥功茂焉不幸薨殞志  
業未完今當葬其賜錢三十萬葬田一頃 晉賜傅嘏  
夫人鮑葬錢詔曰故太常傅嘏者以命德賢才爲先帝  
所接登龍之際有翼贊盡忠之勲早代殞沒不終功業  
每念其遺績常存于心今嘏夫人鮑當葬賜錢十萬給  
作葬藏人功

增文漢楊王孫羸葬書曰蓋聞古之聖王緣人情不忍其親故爲制禮今則越之吾是以羸葬將以矯世也夫厚葬誠亡益于死者而俗人競以相高靡財殫幣腐之地下或廼今日入而明日發此真與暴骸于中野何異且夫死者終生之化而物之歸者也歸者得至化者得變是物各反其真又曰精神者天之有也形骸者地之有也精神離形各歸其真故謂之鬼鬼之言歸也昔帝堯之葬也窆木爲櫃葛藟爲緘其穿下不亂泉上不泄

殞故聖王生易尚死易葬也 晉皇甫謐篤終論曰生

不能保七尺之軀死何故隔一棺之土然則衣衾所以  
穢尸棺槨所以隔真故桓司馬不如速朽季孫璠璵比  
之暴骸文公厚葬春秋以爲華元不臣楊王孫親土漢  
書以爲賢于秦始皇夫葬者藏也欲人不得見也而大  
爲棺槨備存器物無異埋金路隅而書表于上也 宋  
宋景文遺戒曰吾沒之後稱家有無以治喪用浣濯衣  
鶴氅布裘紗帽綫履三日棺二月葬慎無爲流俗陰陽

拘忌也吾學不名家文章僅及中人爲吏在良二千石  
下無功于國無惠于人不可請謚不可受贈典不可求  
巨公作碑志不可作道佛二家齋醮汝等不可違吾之  
命違命作之是謂吾死爲無知也 司馬君實葬論曰  
葬者藏也孝子不忍其親之暴露故斂而藏之齋送不  
必厚厚者有損無益古人論之詳矣今人葬不厚于古  
而拘于陰陽禁忌則甚焉古者雖卜宅七日蓋先謀人  
事之便然後質諸蓍龜庶無後艱耳無常地亦無常日

也今之葬書乃相山川岡壟之形勢考歲月日時之干支以爲子孫貴賤貧富壽夭賢愚皆繫焉非此地非此時不可葬也舉世惑而信之至有終身累世而不得葬遂棄失尸柩不知其處者嗚呼人所貴于身後有子孫者爲能藏其形骸也其所爲乃如是曷若無子孫死於道路猶有仁者見而殮之耶先王制禮葬期遠不過七月今世著令自王公以下皆三月而葬又禮未葬不變服食粥居倚廬哀親之未有所歸也今之人未葬而除

喪從宦四方食稻衣錦飲酒作樂其心安乎人之貴賤  
貧富壽夭繫于命賢愚繫于人固無關預于葬就使皆  
如葬師之言爲人子者方當哀窮之際何忍不顧其親  
之暴露乃欲自當福利耶吾嘗疾陰陽家立邪說以惑  
衆子喪家尤甚頃爲諫官嘗奏乞禁天下喪書當時執  
政莫以爲意今者茲論庶俾後世子孫葬必以時欲知  
葬具之不必厚視吾祖欲知葬書之不足信視吾家  
程正叔葬說曰卜其宅兆卜其地之美惡也非陰陽家

所謂禍福者也地之美者則其神靈安其子孫盛若培  
擁其根而枝葉茂理固然矣地之惡者則反是然則曷  
謂地之美者土色之光潤草木之茂盛乃其驗也父祖  
子孫同氣彼安則此安彼危則此危亦其理也而拘忌  
者惑以擇地之方位決日之吉凶甚者不以奉先為計  
而專以利後為慮尤非孝子安厝之用心也惟五患者  
不得不謹須使異日不為道路不為城郭不為溝池不  
為貴勢所奪不為耕犁所及此其大略也 陳無已思

亭記曰甄故徐富家至甄君始以明經教授鄉稱善人而家益貧更數十歲不克葬乞貸邑里葬其父母昆弟凡幾喪邑人憐之多助之者既葬益樹以木作室其傍而問名于余余以謂目之所視而思從之今夫升高以望松梓下丘壟而行墟墓之間棘荆莽然狐兔之迹交道其有不思其親者乎請名之曰思亭親者人所不忘也而君子謹之故爲墓于郊而封溝之爲廟于家而嘗禘之爲衰爲忌而悲哀之所以存其思也其可忘乎雖



然自親而下至于服盡則情盡情盡則忘之矣夫自吾之親而至于忘之者遠故也此亭之所以作也凡君之子孫登斯亭者因其親以廣其思其有不興乎君曰博哉子之言也曰未也賢不肖異思後豈不有望其木思以爲材視其榛棘思以爲薪登其丘墓思發其所藏者乎吾爲子記之使君之子孫誦斯文視其美以爲勸視其惡以爲戒其可免乎

冒法葬誅者

原受恩

魏志袁譚死別駕王修詣太祖乞收葬受袁氏之恩得收斂就戮無恨太祖嘉其義故聽之

感義

晉書鍾會死向雄葬之文帝責之曰王經死哭東市我不問今會叛逆云云其如王法何雄曰

先王掩骼埋胔今誅已備法雄感義而葬法立于上教弘于下何必使雄違生背死殿下讐枯骨于中野為將來仁賢之資乎

孔車長者

漢王父偃有貴幸客數千及死無人視獨孔車收葬上聞之以車為

長者桓典棄官

後漢桓典舉孝廉國相王吉以罪誅故人親戚莫敢至典棄官收斂葬之負土

成墳為立祠堂

臧均乞葬

吳志諸葛恪誅臨淮臧均乞葬曰均恨藥布不先請而專名以肆情

得不誅為幸臣不敢率也

荀闓乞葬

齊王誅故吏荀闓乞葬

增曹敞葬吳

章

前見

伯厚葬陳蕃

東漢陳蕃被誅家口南徙復追至南安府城北滅之蕃故人朱伯厚

收葬其葬地名陳墓

胡騰葬竇武

武誅後府掾胡騰少師事武獨續葬行服收武孫為已子

與聘娶還本姓

郭亮葬李固

梁冀誅李固露尸于西衢弟子郭亮始童往哭陳辭夏行亭長

呼之亮曰義之所重何以相懼太后聞之聽收葬

### 送葬

原吹簫

談錄周勃吹簫送葬

反哭

雜記鄉人五十者從反注優老也非鄉人四十者亦從反

哭遠也

晨會

鄭子蟠卒將葬公孫揮與裨竈晨會焉注會葬事也

以哀

哀以送之

如慕前見

不歌

適墓不歌

多涕

魯襄公薨滕成公來會葬墮而多涕穆叔曰非于死

矣所送臺

文選送子長夜臺

臨穴

詩臨其穴惴惴其栗

待盈坎

禮弔三十

者執紼鄉人五十者從  
反哭四十者待盈坎

**不散送**

禮五十者不散送注  
送葬者不散麻也

**五侯治**

樓護出入五侯之門咸得歡心母喪送葬  
治喪車三千兩人語曰五侯治喪樓君卿

**千乘送**

劇孟母喪送葬  
蓋車千乘也

**不避塗潦**

曲禮見  
葬四

**四方來**

**會**

後漢書郭泰字林宗卒四  
方之士千餘人皆來會葬

**名士赴哭**

晉陽秋荀爽  
亡時年二十

九性簡貴不與常人交接所交者皆一時俊傑至葬  
夕赴者纔十餘人同時知名士也哭之感動路人

**哀經千餘**

鄭玄別傳玄卒遺令薄葬自郡以  
下常受業者哀經赴哭千餘人

**命駕撫**

**棺**

范式字巨卿與張劭爲友劭死式夢之曰吾已死某  
時葬子能送我乎式覺即服友服命駕而往及葬式

未到劭引發中路而柩不進其母曰汝待巨卿也巨卿  
乘白馬素車至撫棺曰元伯可進矣柩乃進式乃修墓

種樹而還  
劭字元伯

推輦歸里

中屠蟠始與王子居同在太學  
子居臨沒以身託蟠乃躬推輦

送葬歸鄉里遇司隸從事于河輦從事義之為封  
使使送蟠不肯受投傳于地而去事畢即還太學

巨

卿可托

後漢范式受業太學長沙陳平子病謂妻曰吾  
聞山陽有范巨卿烈士可以托吾沒後但以尸

埋巨卿尸前乃裂素書以遺巨卿時式出還省書悽愴  
向墳悵哀哭以為死友營護平子妻兒自送喪于臨湘  
未至四五里委素書于棺上而  
去其兄弟聞之尋求不復見

元伯可進

詳前


御定淵鑑類函卷一百八十一

謹案第二十三頁前四行營高敞刊本敞訛燥據

史記改







總校官庶吉士

臣

張能照

校對官檢討

臣

王福清

謄錄監生

臣

朱 烺